



# စိတ်ကူးခြောက်ပိဿာနန့် မြောက်ဦးကဘီလူး

ရခိုင်စာပီ ခြံလှမ်းသစ်

ဂျန်နဝါရီလ ၃၁ ရက် ၂၀၁၀  
ပထမအကြိမ်ထုတ်ဝေခြင်း  
မြောက်ဦးကဘီလူး

## ရင်ကိုဖွင့်လို့ လက်ကမ်းကြိုရေ နှုတ်ခွန်းဆက်စကား

“မြောက်ဦးကဘီလူး” ဆိုရေ ကလောင်တံတချောင်းကိုထမ်းပနာ ရခိုင်ရို့ အိန်တာနတ်လူမှုကွန်ယက် စာမျက်နှာတိ ထက်မှာ စာရီးပါလတ်စွာ အဂုဆိုကေ အင်တန်ချေလောက် ခရီးပေါက်ပါလတ်တေ။ ရသ သုတ ဒဿန အိုင်ဒီယာ အတွေးအခေါ်အမြင် ဆွဲဆန် စိုင်းစားကြည့်ခြင်းတိနန်၊ အကြောင်းအရာရှုဒေါင့်ပေါင်းစုံတိကို စူးစမ်းရှာကြည့်ထားရေ ကဗျာ၊ ဆောင်းပါး၊ စာနု၊ ဝထုချေတိကို ရခိုင်နလုံးသား ရခိုင်ခံစားချက် ရခိုင်အသွီးအသားနန် ပေါင်းစပ်ဖန်တီး ရခိုင်ပိုင် ရီးထားလို့၊ ခေတ်သစ်ရခိုင်စာပီကို တန်ဖိုးထားမြတ်နိုးကတ်တေ ရခိုင်သားရခိုင်သမတိအတွက် တထောင့်တန်နိရာက အကျိုးပြုပီးနိုင်ဖို့ လို့ ယုံကြည်မိလို့၊ မြောက်ဦးကဘီလူးနာမေနန်၊ ရီးခရေ စာတိထဲက အကောင်းဆုံးတိကို စုစည်းပနာ စာအုပ်ချေတအုပ်တည်ဆောက်လုပ်လိုက်ရပါရေ။ ဒေစာအုပ်က ခေတ်သစ်ရခိုင်စာပီလှုပ်ယှားမှုနန်၊ ရခိုင်ယိုင်ကျေးမှု သမိုင်းအဓိတိကို ထိန်းသိမ်းစောင့်ရှောက်တိုးတက်မြှင့်တင်ဖို့၊ ကြီးစားနိန်ကတ်တေ ရခိုင်မျိုးဆက်သစ် သူရဲကောင်းတိ အတွက် တခုခု အထောက်အကူပြုနိန်ဖို့ လို့ မျှော်လင့်မိပါယင့်။

ရခိုင်တေးခြင်းကိုဆို ရခိုင်စာကိုရီး အနာဂတ်ခေတ်ရီစီးကြောင်းထက်မှာ ရခိုင်စံ ရခိုင်ဟန်နန်၊ ရခိုင်ရို့ အားမာန်ကို ဖော်ပနာ ရခိုင်ရို့ အလှ ရခိုင်ရို့ ဘဝနန်၊ ရခိုင်ဂုဏ် ရခိုင်တန်ဖိုးကို ပျိုးထောင်လားကတ်ပါမေ။ လူမျိုးတမျိုး အသက်ရှင် တည်တံ့ဖို့ အသက်သွီးကြောဖြစ်တေစာပီကို မျိုးစောင့်တရားတာဝန်ဝတ္တရားနန်၊ ရခိုင်သားရခိုင်သမတိတိုင်းက ကာကွယ် စောင့်ရှောက်ထိန်းသိမ်းပနာ နောင်လာနောက်သားမျိုးဆက်သစ်တိကို မြင့်မြတ်တေသမိုင်းအဓိကောင်းတိ လက်ဆင့် ကမ်းပီးလားကတ်ပါမေ။ ရန် ပေါင်းစုံပန်းပေါင်းစုံနန်၊ အပင်တိစုံပါလတ်တေရခိုင်စာပီဥယျာဉ်ပန်းခင်းကြီးထဲမှာ ဒေစာအုပ် ချေကအပင်ချေတပင်အဖြစ်နန်၊ ရှင်သန်ခွင့်ရကေ တခုခုခံစားချက်အားသစ်ချေတိ ရခိုင်စာဖတ်ပရိတ်သတ် ကိုပီးနိုင်ခ ကေ ဒေစာအုပ်ကိုရီးရကျိုးနပ်လီပါဖို့ ဗျာယ်လို့ ပြောချင်ပါရေ။

ဘက်ပေါင်းစုံ ဒေါင့်ပေါင်းစုံက ပုံစံတကျဖိနှိပ်ခံထားရလို့ ထွက်ပေါက်ပျောက်နိန်ကတ်ရရေ ရခိုင်သားတိအတွက် ဖောက်ထွက်ပုံရေ သတ္တိ ဇွဲအားမာန်တိ နိုင်ငံရေးခံယူချက်ယုံကြည်မျှော်လင့်ခြင်းတိ ပြည့်ဝအားကောင်းလာအောင် ရင်ဖတ်ကိုအရင်းခံ ဦးနှောက်ကိုဖွင့်လို့၊ ရီးထားရေ ဒေစာအုပ်ကို ဖတ်ပနာ စိတ်ဓါတ်သစ် အမြင်သစ်နန်၊ အမျိုးသား လွတ်မြောက်ရေးလမ်းကြောင်းသစ်ထက်မှာ သမိုင်းစာမျက်နှာမော်ကွန်းသစ်ကို ရီးထိုးနိုင်ကတ်ပါစီလို့ ဆုမွန်ကောင်း တောင်းပနာ နှုတ်ခွန်းဆက်စကားပြောလိုက်ရပါရေ။ ။ ။

## အကြောင်းအရာ မာတိကာ

နုတ်ခွန်းဆက်စကား	2
<b>ကဗျာရပ်ဝန်း</b>	
(၁) လမ်းသစ်ကိုလားကတ်မေ	5
(၂) ထွက်ပေါက်ကို ဖောက်ထွက်ကတ်မေ	6
(၃) ကိုယ့်အလှည့်မှာ မညံ့စီကေ	7
(၄) စာပီမော်ကွန်းတင်ကတ်မေ	8
(၅) ဒီဇင်ဘာဆို	9
(၆) တိုင်းပြည်ပျောက်နိန့်ရခြင်း	10
(၇) နှစ်ဖက်တီးမှ မြည်ရေ လက်ခုပ်	11
(၈) ရခိုင်ပြည်အလွမ်း	12
(၉) အစီးက ငယ်ချစ်	13
(၁၀) သူငယ်ချင်း ဂတိုးမ	14
(၁၁) ရခိုင်ဗီဇယို အချစ်ဇာတ်လမ်း	15
(၁၂) ရင်ဖတ်ထဲက အချစ်သမိုင်း	16
(၁၃) လှစီချင်ရေ အိမ်အပြန်လမ်း	18
(၁၄) ရခိုင်သမ ဖြူမချေ ရခိုင်စာကိုရိုးကတ်မေ	19
(၁၅) ရခိုင်စာ	19
<b>စာနုချေတိ</b>	
(၁) မဖြစ်နိုင်ခြင်း၏တဖက်မှာ	21
(၂) အပြင်ပန်းနန့် အနှစ်သာရ	22
(၃) အဆင့်ဟိရေ ရခိုင်သားရခိုင်သမတိုင်း ရခိုင်စာကို ရွီးကတ်တေ	22

(၄) လမ်းသစ်နှင့် လမ်းဟောင်းကြားက ခွဲဟ	23
(၅) တော်လှန်ပြည်သူနှင့် ပြောက်ကျားတိုင်းပြည်	24
(၆) အမျိုးသီလ နှစ်ဌာနကို အဓိပ္ပာယ်ပြန်ဖွင့်ခြင်း	25

ဆောင်းပါးကဏ္ဍ

(၁) မမြင်နိုင်ရေ ပါဝါ	26
(၂) ရခိုင်ရိုး စာပီနှင့် မီဒီယာသစ်	27
(၃) ဆင်ခြံကို ဆင်ခြံပီးခြင်း	28
(၄) ကောလာဟလထောင်ချောက်	30
(၅) စရိုက်စုံကေ လူ့ ဘုံဖြစ်တေ	33
(၆) ရခိုင်စာပီလှုပ်ယှားမှု နှုတ်ခွန်းဆက်စကား	34
(၇) ရခိုင်သား ရခိုင်သမတိ ပြုပြင်ပြောင်းလဲမှု လုပ်သင့်ရေ အရာတိ	36
(၈) ကွာဟချက်	37
(၉) အားလုံးသူရို တာဝန်ပါ	39

ဝတ္ထုချေ

(၁) "အောင်လှဖြူနှင့် မလှဖြူ"	41
------------------------------	----

## ကဗျာရပ်ဝန်း

### လမ်းသစ်ကိုလားကတ်မေ

❖ အာကာပြင်ထက်

လီဟုန်ဆန်လို့

ဇကုန့်ပျံလားကတ်မေ

ရက္ခိတရို့ အနာဂတ်လှဖို့

အားသစ်ကိုမိုးဝေ ဝံလက်ရို့ ၊

❖ အယင်ခါက

ကျွမ္မာကျော်ခ

ဂန္ထဝင်သမိုင်းသက်သီ

လွတ်လပ်ခြင်းနန့် ပြည်ငြိမ်းချမ်းဖို့

အသွီးအသက်ကိုရင်းမေ ဝံလက်ရို့ ၊

❖ ရာစုသစ်လမ်းပြနိန်

မျှော်လင့်ချက်တောက်ပစီ

အိမ်မက်တိ အဂေါင့်ဂေါင့်ဖြစ်လာဖို့ .....၊

❖ တူရေစိတ်ထား

ညီစီအင်အား

ပြန်တည်မေ သမိုင်းတခိုက်(ခေတ်) ကို

မြင့်မြတ်ချင်းနန့် ဒြီချင်းထပ်လို့

လမ်းသစ်ကိုလားမေ ဝံလက်ရို့ ။ ။

## ထွက်ပေါက်ကို ဖောက်ထွက်ကတ်မေ

- မိုး ... လင်းပါလတ်တေ  
ရက်သျှောင်တစ်ရက်  
ကုန်လားခရေနီန့် တိပိုင်၊
- ဆိုး...လောကခံလိုင်းမှာ  
ပျက်ပနာကျိုး  
ကယ်သူရို မဟိပါ၊
- အပြီး...အပြီးကြီးလိုက်တေ  
သမိုင်းကံအကျိုး  
ဒဏ်ရာတိအပြည့်ပါ၊
- ထွက်ပေါက်တိပျောက်နီန့်ရရေ  
ဖောက်ထွက်ဖို့ ကြောက်နီန့်ကတ်ကေ  
ဒေက္ခမ္မာမြီရာစုသစ်ထဲမှာ  
ဇာမှာလေလူဖြစ်ခြင်းအရသာ....၊
- ပျိုး...မျိုးဆက်သစ်ကို  
လမ်းထွင်ပီး  
ရောင်နီသစ်ထွန်းမေ၊
- ညှိုး ညှိုးနွမ်းလားရေ  
သိက္ခာတရား  
ပြန်တည်လားကတ်မေ၊
- ကြိုး... ကြိုးစားခြင်းကို  
လက်ကိုင်ထား  
အနာဂတ်လမ်းမှာ၊
- ရိုး...ရိုးမအောက်မှာ  
ငါရို အိမ်မက်  
ရှင်သန်တောက်ပစီ။

## ကိုယ့်အလှည့်မှာ မညံ့စီကော့

- ✚ မျက်ရိတ်နန့် ခင်းထားရေ မြစ်  
နှစ် နှစ်ရာကျော်စီးဆင်း  
ရပ်တန့်ခြင်းက မဟိသိမ့်....၊
  
- ✚ ဒုက္ခတိနန့် ပြည့်နိန်ရေ ပြက္ခတိန်  
နှစ် နှစ်ရာကျော်ကြီ  
နာရိတ်ကို မျိုချနိန်ရတုန်းသိမ့်....၊
  
- ✚ မုန်တိုင်းနန့် ကဇတ်  
ရခိုင်တိမည့်ဆိုစွာကို ပြလို  
ဒေခရီး ဒေလမ်း  
အဖိုးအဖိုးရို့ ဖြတ်သန်း  
လွတ်လပ်ခြင်းကိုမျှော်မှန်း  
အလင်းကို စမ်းပနာ  
ယုံကြည်ခြင်းကို ထမ်းလို့  
မွန်မြတ်တေ လက်ဆောင်  
ဖြူစင်ရေ အစို့  
ဝံလက်ပျိုရို့ သွီးတိနိဖို့  
ချန်ထားလမ်းပြပီးခရေ....၊
  
- ✚ ရာစုကခေါ်  
သမိုင်းအော်လို့  
လမ်းချော်မကျန်  
ရခိုင်အမှန်ကိုပြဖို့  
ငါရို့ တိအလှည့်ကိုရောက်နိန်ဗျာယ်....။ ။ ။

## စာပီမော်ကွန်းတင်ကတ်မေ

- ✓ အလွမ်းခြောက်သောင်း  
မြစ်ချောင်းတိပိုင်  
ပြည်ရခိုင်ကို  
အော်ငိုစီးဆင်း  
သွီးရင်းရက္ခ  
ပြည်ပရပ်က  
လွမ်းနိန်ရယင့် လွမ်းနိန်ယင့်...၊
  
- ✓ ရခိုင်အရေး  
မျှော်တွေးလို့ ပူ  
လက်ကမ်းကူဖို့  
ညီတူစိတ်ထား  
လုံ့လအားနုန့်  
တသားတည်းလမ်း  
ငါရို့ လှမ်းမေ  
ငြိမ်းချမ်းသာစီ လခြမ်းမြီ...၊
  
- ✓ စိတ်ခါတ်မယိုင်  
ကလောင်ကိုင်လို့  
ရခိုင်စာပီ  
ရက္ခမြီမှာ  
ထွန်းတောက်လာဖို့  
ငါရို့ မျိုးဆက်  
လက်ချင်းဆက်လို့ လားကတ်မေ..။ ။ ။



## ဒီဇင်ဘာဆိုး

- ခန္ဓာထက်က  
စိမ်းသစ်လတ်ဆတ်နိန်ရေ  
သမိုင်းအနာကိုစမ်းမိတိုင်း.....။
  
- နံရံလေးဘက်လေးတန်က  
ပိတ်ဆို့ နှိပ်စက်ခြင်းတိနန့် အပြုံးကြီးနိန်ရေ  
ပစ္စက္ခအခန်းချေထဲမှာ.....။
  
- အပြင်ဖက်က  
နှင်းကြွေညဉ့်မှာ  
ဆောင်းလီကြမ်းလို့  
ချမ်းနိန်ရစ္စာ ကြာနိန်ဗျာလ်....။
  
- လူမျိုးတမျိုးလုံးအဆိပ်မိခရရေ ဒီဇင်ဘာ  
တိုင်းပြည်တပြည်လုံး ဆိတ်သုန်းပျောက်လားစီရေ ဒီဇင်ဘာ  
အားကိုးအားထားလမ်းပြတံထားတိ ကျိုးပဲ့ပျက်လားရရေ ဒီဇင်ဘာ  
ဒုက္ခတိမော်ဒန်ဒီရိုင်းအမျိုးမျိုးနန့် ဆန်းသစ်နိန်သိမ့်ရေ ဒီဇင်ဘာ  
ဆန္ဒအိမ်မက်မျှော်လင့်ချက်တိကို သရော်စော်ကားနိန်ရေ ဒီဇင်ဘာ  
နတ်ဆိုးတိကို ဂုဏ်ပြုပီးခရေ ဒီဇင်ဘာ  
ကံကြမ္မာဆိုးကို အတိုးချထားခရေ ဒီဇင်ဘာ  
ဒီဇင်ဘာ  
ဒီဇင်ဘာ  
ဒီဇင်ဘာ.....။
  
- အလင်းတစက်  
မီးတပြနန့်  
လက်ချင်းကူလို့  
နွီးဖို့ ရက်က  
အို... ဇာမှာ.....။ ။ ။

## တိုင်းပြည်ပျောက်နိုင်ခြင်း

- ❖ အိမ်ပြန်လာရေခါ  
အိမ်မဟိလိုက်ဗျာယ်...၊
  
- ❖ လူ့ ဂုဏ်သိက္ခာ  
လူ့ တန်ဖိုး  
လူ့စွမ်းလူ့စ ခင်းကျင်းပြသပိုင်ခွင့်  
လူ့ အလှ လူ့ မာန  
လူ့ ဘဝ လူ့ ကံကြမ္မာ  
လူ့သားဆန်မှုအနုပညာ  
အာမခံလုံခြုံမှုပီးနိုင်ရေ နိန်ရာ  
ငါရို့ တိမှာ ကိုယ်ပိုင်အိမ်မဟိပါ...၊
  
- ❖ ရိုးမတောင်မြီအောက်မှာ  
မွီးရာပါအမို့  
ရက္ခိတရို့ မြီ  
သဘာဝအလှနန့် ငါရို့ အိမ်  
အဘိုးအဖီးရို့ ချန်ထား  
သမိုင်းလိုင်းကြားမှာ  
တချက်မှားခလို့  
ပျောက်လားနိန်ရ  
ခါးလိုက်တေနိန် ရက်  
ပြက္ခဒိန်တိထက်မှာ  
တသက်လုံးဒဏ်ရာ  
သွီးမတိတ်နိုင်သိမ့်ပါ.....။ ။ ။

## နှစ်ဖက်တီးမှ မြည်ရေ လက်ခုပ်

- ကြယ်တစ်စင်းနန့်  
အလင်းမဖြစ်တေ အာကာ...၊
  
- သူရဲကောင်းတစ်ယောက်နန့်  
သမိုင်းမဖြစ်တေ ရာဇဝင်စာမျက်နှာ...၊
  
- လူတစ်ယောက်တည်းနန့်  
အိမ်ထောင်မဖြစ်တေ ဘဝမှာ....၊
  
- မင်းကင့်ကိုမချစ်  
နားလည်မှုအနှစ်မဟိကေ  
ရင်ကဗလာ  
နှလုံးသားအကာနန့်  
ငါ...  
ဖာဒေါင့်ကြားမှာ  
တဲထိုးပြီးကေ  
လားနိန်ခီရဖို့ လဲ...။ ။ ။

## ရခိုင်ပြည်အလွမ်း

✚ အချိန်လွန်လားခဗျာယ်  
အိမ်ပြန်ခွင့်က  
အရိပ်ချေတောင်လှမ်းလို့ မမြင်ရသိမ့်...။

✚ အချောဘဝခြံရာနန့် မွီးရပ်မြီ  
ထထွက်ကြီပနာ ပြာပုံထ  
ပျတိရာကျန်  
ကြားရရေအသံက  
နားဝက  
မျက်ရိတိစီးကျလားခရဗျာယ်...။

✚ ဝဋ်ဟိုလို့ လား  
ကံတရားက စောင်းနိန်ယွဲ့ နိန်လို့ လား  
အသူရို့ က သနားကတ်ဖို့ လေးဂု...။

✚ ငါရို့ တိန်လုံးသားငိုသံ  
ငါရို့ တိနားနန့် ရာ ကြား  
တူရေ ခံစားချက်နန့်  
ဝံလက်တီ  
အသိုက်ပျောက်နိန်ဘတ်စီ  
တောင်ပံကအကောင်း  
ခေတ်သစ်ပြောင်းဖို့  
ပျံကတ်မေဝေ...။ ။ ။

## အစီးက ငယ်ချစ်

- ✓ ငယ်ချစ်အပြုံး  
နှလုံးကိုတုန်  
ရင်ခုန်စီလို့  
မပြတ်ရင်မှာ  
လွမ်းမိပါရေး..။
  
- ✓ ငယ်ချစ်မျက်နှာ  
စိတ်မှာမမိနဲ့  
တစိမ့်စိမ့်နုနု  
တလိမ့်လိမ့်ကျ  
မျက်ရိစပိုင်  
အမျှင်မပြတ်  
ရက်ပြတ်သတိရ  
တမ်းတပါရေး..။
  
- ✓ အကြောင်းမဆုံ  
ပေါင်းဖို့ မကြုံလို့  
ရိုဝီးခြံခြား  
အနိန့်များလေ့  
စိတ်ကမပြောင်း  
အချစ်ဟောင်းကို  
တောင်းဆိုလက်ဆက်  
ပေါင်းဖက်လားဖို့  
အိမ်မက်တိုင်းမှာ  
စွဲလန်းပါရေ အချစ်ဆုံးချေ..။
  
- ✓ ကံကြမ္မာအလှည့်  
ရင်ချင်းတွေဖို့  
မလွဲဧကန်  
ကြုံလာပြန်ကေ  
ထပ်တူဘဝ  
လက်တွဲကျဖို့  
ကြိုးစားနိန့်ယင့် လွမ်းနိန့်ယင့်...။ ။ ။

## သူငယ်ချင်း ဂတိုးမ

- အချစ်ဆုံး ဂတိုးမ  
နှင့်ဂေါင်းထက်မှာ  
အနာဖီးတိထ  
ဝဲချီးခြုံနိန်စွာက  
ကြယ်စုံညှပိုင်  
ကြည့်လို့ လှရေ...၊
  
- အချစ်ဆုံး ဂတိုးမ  
နှင့်အပြုံးက  
မိုနာလီဇာထိုင်ငို  
ချီးတိယိုလားအောင်  
ဖြူစင်ပြောင်လက်  
အရောင်ထရေ..၊
  
- အချစ်ဆုံး ဂတိုးမ  
နှင့်ဒဿနက  
ပို့ စိမော်ဒန်ကဗျာတိထဲက  
နိမိတ်ပုံပြစကားလုံးတိပိုင်  
အမိပ္ပယ်ဖော်ရခက်တေ...၊
  
- အချစ်ဆုံး ဂတိုးမ  
နှင့်မျက်လုံးက  
စိုးမဲကျီပတ္တမြားပိုင်  
ပြည်တန်စူးရှ  
တန်ဖိုးပြည့်ဝရေ...၊
  
- အချစ်ဆုံး ဂတိုးမ  
နှင့်နန့် ငါ  
အရက်တိယစ်ပနာ  
ရှုခင်းသာတန်းထားထက်မှာ  
မိုးတလင်း ငြင်းပစ်လိုက်ကတ်စွာ  
ကုလားတန်မြစ်ဝ ပပွဆူ  
ဆူနာမိတိ ဖြစ်လားခယင့်..၊

- မိုးသီးပေါက်တိကြွီကျ  
 မိုးကြိုးပစ်ချရေ  
 ဒေပိုင်အချိန်  
 ထိန်းမနိုင်သိမ်းမရ  
 သတိရရေ  
 ဘဝခြားလားရေ ဂတိုးမချေ.....။ ။ ။

### ရခိုင်ဗီဒီယို အချစ်ဇာတ်လမ်း

- ❖ မောင်သာဘန်း မောင်သာဘန်း  
 ပုလင်းတစ်လုံးနန့် မောင်သာဘန်း  
 မောင်သာဘန်းက ကျောင်းဆရာ  
 ပုလင်းကိုင်လို့ ကျောင်းကိုလာ  
 ကျောင်းဆရာမ မသာလှ  
 မောင်သာဘန်းကို ချစ်မဝ  
 အမိအဖက သဘောမတူ  
 မသာလှကို ဆူ...၊
- ❖ ဗမာစစ်ခွီး လူဆိုးကြီး  
 ဒေကြားထဲမှာ ဒုက္ခပီး...၊
- ❖ ဖက်ခွက်စား မောင်အောက်သား  
 မသာလှကို ဆွဲလားရမ်းလား..၊
- ❖ မောင်သာဘန်းလေ့ မနိန်နိုင်  
 သူငယ်ချင်းတိကို တိုင်  
 သူငယ်ချင်းတိလူစု  
 ခိုးပြီးကတ်ဖို့ အကြံပြု ...၊
- ❖ စနီနိန် ဉာဉ် လပြည့်ည  
 ခိုးရာလိုက်တေ မသာလှ...၊

- ❖ သူကြိုက်ကိုယ်ချစ်  
လင်မယားဖြစ်  
ဒေချင့်စွာ အချစ်စစ်...၊
- ❖ မောင်သာဘန်းနန့် မသာလှ  
ဘဝတခုကို ဒေမှာစ  
အမျိုးသီလ နှစ်ငြိန်  
အေချင့်စွာ ရခိုင်ရို့ အလှ..။ ။ ။

**ရင်ဖတ်ထဲက အချစ်သမိုင်း**

- အချစ်ဆိုစွာကို  
မျိုးချထားရစွာ  
ကြာနိန်ဗျာလ်.. ညိုချေ...၊
- နင့်မျက်နှာချေကို မြင်တိုင်း  
ရိုးတောင်ထက်က  
ခုန်ချရရေပိုင်  
ငါ့နှလုံးသားတိ  
အထိန်းအကွပ်မဟိ  
နင့်မြီရင်းမှာ  
ဂျမ်းပြန်ပနာပြုတ်ကျလားရရေ...၊
- ခြင်ထောင်ထဲမှာ  
ဖပြားမှောက်ပနာ  
ရွှီးလိုက်ရရေ ရည်းစားစာတိ  
ဖင်ကို နီထိုးခါမှ  
တရီးလေ့ မအိပ်လိုက်ရမှန်းသိရေ...၊
- နင့်အမိက  
ငါ့ကိုမြင်ကေ  
ရှစ်ခေါက်မျိုးမျက်နှာနန့်  
နာခေါင်းတွန့် ပြရေ...၊



- အရက်သမားဆဘွတ်  
 ပီးအပ်လိုက်တေ ဂုဏ်ဒြပ်တိ  
 နှင့်အမိနန့် တို့ခါမှ  
 ငါလေ့ ဇကုန်ရာထူးတက်လားရရေ...။
  
- အပွင့်အခက်နန့် အစိမ်းရောင်ဝတ်ခွီးကိုမှ  
 လူလို့ ထင်နိန်ရေ  
 နှင့်အမိ ဇာတ်ဆရာမ  
 ကုလားဖန်ထိုးလိုက်တေ တစ်ရက်မှာ  
 နှင်က ဗမာစစ်ခွီးမယား  
 ငါက လမ်းဘေးကအရက်သမား  
 အချစ်ပိုးနန့် ရောဂါသည်...။
  
- "ချစ်ကေလေ့ မဖြစ်  
 ဘဝကြမ်းမှာလိုက်မနိန်နိုင်"  
 နှင်ပြောခရေ ဒေစကား  
 အဂုထိပင် ကြားနိန်သိမ့်ရေ...။
  
- ပြက္ခတိန်တိ မြောင်းကိုရောက်  
 သုံးလလောက်လေ့ ကြာရေခါ  
 နှင်က  
 ဗမာစစ်ခွီးထားပစ်ခရေ  
 တလင်ကွာမ  
 ငါက ဗုဒ္ဓသားတော်  
 တခုပိုင်လေ့ မသင့်တော်လိုက်ဗျာလ်...။
  
- အမျိုးချစ်ခွင့် မရလိုက်တေ ငါ  
 အချေတိကို စာသင်ပီးပနာ  
 တရားဘောင်ထဲမှာ နိန်လီဖို့ ဗျာလ်။ ။ ။

## လှစီချင်ရေ အိမ်အပြန်လမ်း

- ✚ အဖြူရောင်သုတ်ထားရေ  
အကာမိုးရိပ်တိထဲမှာ  
စိတ်ကူးတောင်ပံဖြန့် လို့  
ပျံကြည့်ချင်ယဉ်...။
  
- ✚ ထိုး...အစီးမှာ  
ပြောင်းလဲခြင်းတရားကို  
နောက်လှည့်ထိုင်ထားရရေ  
ရိုးမတိုင်း  
အိမ်မက်ရိုင်းတိနန့်  
ဘင်္ဂလားလိုင်းသံတိကြားမှာ  
တတိတ်ချေ ဆိတ်ငြိမ်လို့  
အတွင်းဒဏ်ရာ  
သမိုင်းအနာတိနန့်  
သမိုင်းစကားကိုပြော  
အနာဂတ်ကို တွိချင်ဇောနန့်  
ပစ္စက္ခလမ်းမထက်မှာ  
လားနိန်ရစ္စာ ညောင်းနိန်လောက်ဗျာယ်...။
  
- ✚ အသိတခု  
အရင်းပြုလို့  
တတ်နိုင်သလောက်ဝိုင်းဗျာယ်ကူ  
စိတ်တူလက်တွဲ  
ရင်ချင်းမြဲကေ  
သေချာပါရေဝေ  
ငါရို့ တိ အိမ်ပြန်လှကတ်ဖို့ ယေ...။ ။ ။

## ရခိုင်သမ ဖြူမချေ ရခိုင်စာကိုရိုးကတ်မေ

- ✓ မချေ  
ရခိုင်သမဖြစ်ပြီးကေ  
ရခိုင်ပိုင်မရိုးတတ်ကေ  
ကိုယ့်အမိအဖကိုလေ့စော်ကား  
ကိုယ့်စွာကိုယ်လေ့ သိက္ခာချန်နိဗ္ဗာန်  
တူနိဗ္ဗာန်ဖို့ ယေ....။
  
- ✓ ရခိုင်တေးခြင်းတိနားထောင်  
ရခိုင်ကဗျာတိကိုဖတ်  
ရခိုင်ဝထုတိကိုခံစား  
ရခိုင်သမနလုံးသားနန့်  
ရခိုင်သားကိုချစ်တတ်ခါမှရာ  
အမျိုးသီလနစ်ဌ်န  
ပြည့်ဝမဏ္ဍိုင်  
စောင့်ထိန်းနိုင်ဖို့ ယေ။
  
- ✓ ကိုယ့်စကားကို ကိုယ်မလေးစား  
ကိုယ့်စာပီကို ကိုယ်မသိ  
ကိုယ့်ဘဝကို ကိုယ်မမြင်  
ကိုယ့်သိက္ခာကို ကိုယ်အသိအမှတ်မပြု  
ကိုယ့်အတွင်းစိတ်ကို ကိုယ်မလေ့လာကေ  
လူဖြစ်ခြင်းအရသာ  
ဇာလျှာနန့် လားပနာ  
မြည်းကြည့်ဖို့ လဲ...။ ။ ။

## ရခိုင်စာ

- ရခိုင်ရိုး ဘဝ  
ရခိုင်ရိုး အလှ  
ရခိုင်ရိုး ကိုးကွယ်ရာ ရခိုင်စာ၊

- ရခိုင်ရိုး ဂုဏ်သိက္ခာ  
ရခိုင်ရိုး ကံကြမ္မာ  
ရခိုင်ရိုး အားထားရာ ရခိုင်စာ၊
- ရခိုင်ရိုး တန်ဖိုး  
ရခိုင်ရိုး မျိုးရိုးအမွှ်  
ရခိုင်ရိုး အသိပညာ ရခိုင်စာ၊
- ရခိုင်ရိုး ဂီတ  
ရခိုင်ရိုး ရသ  
ရခိုင်ရိုး ယိုင်ကျေးမှုစီးဆင်းလားနိန်ရေနိန်ရာ ရခိုင်စာ၊
- ရခိုင်ရိုး အတိတ်  
ရခိုင်ရိုး အရိပ်  
ရခိုင်ရိုး ခြံရာ ရခိုင်စာ၊
- ရခိုင်ရိုး ပစ္စက္ခ  
ရခိုင်ရိုး အန္တိမပန်းတိုင်  
ရခိုင်ရိုး ဆုပ်ကိုင်လားရာ ရခိုင်စာ၊
- ရခိုင်ရိုး အနာဂတ်  
ရခိုင်ရိုး စိတ်ဓါတ်  
ရခိုင်ရိုး ရှင်သန်ရာ ရခိုင်စာ၊
- ရခိုင်ရိုး အသက်  
ရခိုင်ရိုး အိမ်မက်  
ရခိုင်ရိုး မျှော်လင့်ချက်တိ ကိန်းအောင်းနိန်ရေနိန်ရာ ရခိုင်စာ၊
- ရခိုင်ရိုး သွီး  
ရခိုင်ရိုး ခရီး  
ရခိုင်ရိုး လွတ်လမ်းကို လမ်းပြပီးစီနိုင်ရေအရာ ရခိုင်စာ...။ ။

## စာနုချေတိ


### မဖြစ်နိုင်ခြင်း၏တဖက်မှာ

ကမ္ဘာကျော်ဖိနပ်အမျိုးမျိုးတီထွင်လုပ်တော့ ကုမ္ပဏီကြီးတခုက အာဖရိကတိုက်ထဲက ဆင်းရဲရေတိုင်းပြည်ချေ တပြည်မှာ လားပနာ ဖိနပ်ရောင်းဖို့ ဆုံးဖြတ်လိုက်ကတ်တော့။ အကြမ်းအားဖြင့် ယင်းတိုင်းပြည်ကလူတို့မှာ ဖိနပ်မဟုတ် ဖိနပ်မစီးတတ်သိမ့်လို့ သတင်းအချက်အလက်တိရထားကတ်ကောလေ့ ဝယ်လိုအားမြင့်နိန်စွာကို လက်တွဲကျကျ သိနိုင် ဖို့ စျီးကွက်လေ့လာရေး မန်နီဂျာတယောက်ကို သုတေသနလားလုပ်ဖို့ လွှတ်လိုက်တော့။

တစ်လလောက်ကြာရေခါ ဒေဖိနပ်ရောင်းချရေးစီမံကိန်းနန့် ပတ်သက်တော့ အစီရင်ခံစာတစောင်ထွက်ပါလတ်တော့။ စျီးကွက်ကိုကွင်းဆင်းလေ့လာခရေ မန်နီဂျာက ယင်းစာမှာ "အေတိုင်းပြည်က လူတို့စွာ ဖိနပ်မစီးကတ်။ ဖိနပ်ကို စီးသင့် ရေအရာလို့ လေ့မယူဆကတ်။ ယေပြီးကေ ဖိနပ်ဝယ်စီးဖို့ ဒဂါးလေ့ တပြားချေလေ့ မဟုတ်ကတ်။ ယင်းအတွက်နန့် ဒေစီ မံကိန်းကို လားပနာအကောင်အထည်ဖော်ကေ အေကုမ္ပဏီကြီး အကြီးအကျယ်ရုံးလားနိုင်ပနာ ဒေဝါလီတောင်ခံ လား နိုင်ပါရေလို့ အကြံပြုတင်ပြထားရေ။"

ယေကေလေ့ စီအီးအိုအပါအဝင်ကုမ္ပဏီအုပ်ချုပ်ရေးအဖွဲ့ က ဒေစီမံကိန်းကို လုံးဝအဖျက်မခံ မဖြစ်ဖြစ်တော့နည်းနန့် လုပ်လားဖို့ ဆုံးဖြတ်ထားကတ်လို့ နောက်ထပ်စျီးကွက်လေ့လာရေးမန်နီဂျာချေအသစ်တယောက်ကို ကွင်းဆင်းလေ့ လာဖို့ လွှတ်လိုက်တော့။

(၁၅) ရက်လောက်ကြာရေခါ အစီရင်ခံစာ ထွက်ပါလတ်တော့။ အေစာမှာ စျီးကွက်မန်နီဂျာချေအသစ်က " အေတိုင်း ပြည်ကလူတို့စွာ ဖိနပ်အမျိုးမျိုးကို တခြားတိုးတက်တော့ တိုင်းပြည်တိကလူတို့ပိုင် စီးချင်ကတ်တော့။ ယေကေလေ့ ဝင်ငွေ မဟုတ်ရေခါ အေသူရို့ ဆန္ဒစွာ အိမ်မက်ကြမ်းတခုအဖြစ်နန့် ရာ ကျန်နိန်ရရေ။ အေလူတို့မှာ ဖိနပ်ဝယ်စီးဖို့ ဒေါ်လာတိမဟုတ် ကတ်ကောလေ့ စပါးတိပြောင်းဖူးတိ စိုက်ကတ်တော့။ ယင်းအတွက်နန့် ကုမ္ပဏီကရောင်းဖို့ စိုင်းစားထားရေ ဖိနပ်တိကို ရာ စပါးတိပြောင်းဖူးတိနန့် ဖပနာ အလှဲ့ အလှယ်လုပ်ရောင်းဝယ်နိုင်ကေ ဖိနပ်ရောင်းလို့ အမြတ်ရနိုင်ရေပိုင် စပါးတိ ပြောင်းဖူးတိကို တခြားစျီးကွက်မှာတင်ပို့ လိုက်ကေ ယင်းကလေ့ အမြတ်တိရလာနိုင်ပါသိမ့်ရေ" လို့ တင်ပြအကြံပြု ထားရေ။ မဖြစ်နိုင်ခြင်း၏တဖက်မှာ ဖြစ်နိုင်ခြင်းတိအများကြီးဟိနိန်တတ်စွာကို ဒေမန်နီဂျာချေအသစ်က လက်တွဲပြ လားခပါရေ။




## အပြင်ပန်းနု အနှစ်သာရ

ရခိုင်ပြည်မှာ ဂျုံစိုက်လို့ မရ။ ပန်းသီးပင်တိ စိုက်လို့ မရ။ ဒေပိုင် ပကတိအခြေအနေကို လစ်လျူရှုပနာ ပေါင်မုန့် တိစားကတ်ပါ ပန်းသီးတိစားကတ်ပါ ခေတ်မှီပါရေ လို့ လားပြောကေ ပြောရေလူစွာ တဖဲ့ချေလောက်အချေဆန်နီနီဖို့ လို့ ထင်ရေ။

ပြုပြင်ပြောင်းလဲရေးသမား ဖွံ့ဖြိုးတိုးတက်မှုကိုလိုလားရေလူ လုပ်ချင်ရေလူစွာကိုယ့်လူ့ အဖွဲ့ အစည်း၏လိုလားချက် နန့် တောင်းဆိုနီနီမှုကို အယင်ဆုံးသိထားကတ်ရဖို့ လို့ ထင်မိရေ။ နောက်တစ်ခုက အနှစ်သာရနန့် အပြင်ပန်းကို ခွဲခြမ်း စိတ်ဖြာကြည့်မြင်နိုင်စွမ်းဟိရဖို့ ။ ဥပမာ- ပေါင်မုန့် ၊ စား၊ Hip Hop တေးခြင်းဆို၊ Jeans ဘောင်းဘီတိဝတ်ခြင်းရေ အပြင်ပန်းယိုင်ကျေးမှု တစ်ခုရာဖြစ်တေ။ အနှစ်သာရဟိရေ ယိုင်ကျေးမှုမဟုတ်ပါ။ ရခိုင်ပြည်မှာ ကမ္ဘာ့အဆင့်အတန်းမီ ရေ တက္ကသိုလ်ကျောင်းကြီးတိဖွင့်ရေး၊ ရခိုင်သားရခိုင်သမတိ အရည်အချင်းအစွမ်းအစဟိရေ ပညာရေးမြင့်မားလာရေး တိကရာ အနှစ်သာရပြည့်ဝရေ ကမ္ဘာ့ကြီးနန့် ရင်ဘောင်တန်းနိုင်ရေ ယိုင်ကျေးမှုကို ကျင့်သုံးခြင်းလို့ မြင်ရေ။

ခေတ်မှီဖွံ့ဖြိုးတိုးတက်ခြင်း၏ စစ်မှန်ရေ အဓိပ္ပါယ်ဖွင့်ဆိုမှုက လူများတိလုပ်နီနီပြောနီနီဝတ်နီနီစားနီနီခြင်းကို အတုခိုးချခြင်းမဟုတ်...၊ မိမိကိုယ်ကို အသိဉာဏ် အတွေးအခေါ် အယူအဆပိုင်းဆိုင်ရာ ပြုပြင်ပြောင်းလဲမှုလုပ်ပနာ ကိုယ့်လိုအပ်ချက်တောင်းဆိုမှုကို ကိုယ်တိုင်ရှာဖွေခြင်းရာ ဖြစ်တေ။ ။ ။



## အဆင့်ဟိရေ ရခိုင်သားရခိုင်သမတိင်း ရခိုင်စာကို ရွှီးကတ်တေ

အဆင့်စွာ အကျင့်နန့် သက်ဆိုင်ရေ။ အကျင့်က ကောင်းမကောင်း မှန်မမှန်ဆိုရေ ဟိရိသြတ္တပွတရားကို လက်ကိုင်ထားပြီးကေ အသိတရားကို ခွဲခြမ်းစိတ်ဖြာပနာ ကောင်းခြင်းမှန်ခြင်းကို လက်ခံရေ ဆင်ခြင်တုံ တရားကြီးမား ခြင်းမှာ သန္ဓေတည်ထားရေ။ အကျင့်ယိမ်းယိုင်ဖောက်ပြန်စွာနန့် အဆင့်လေ့ နိမ့်ကျလားတတ်တေ။

အဆင့်ဟိခြင်းစွာ ငွေကြေးချမ်းသာကြွယ်ဝခြင်း၊ ရာထူးဂုဏ်ဒြပ်ပြည့်စုံခြင်း၊ အတန်းပညာတိအများကြီးတတ်ခြင်းနန့် လေ့ သက်ဆိုင်ဆက်စပ်မှုမဟိရေ သီးခြားလက္ခဏာရပ်တခုဖြစ်တေ။ ငွေ၊ ရာထူး၊ အတန်းပညာတိ အားလုံးပြည့်စုံနီနီ ကေလေ့ အကျင့်မကောင်းရေခါ အဆင့်အတန်းမဟိရေ လူတိအဖြစ် သတ်မှတ်ခံထားကတ်ရရေ ပုဂ္ဂိုလ်တိကို လူ့ အဖွဲ့ အစည်းမှာ အများကြီးတို့နိုင်ရေ။

အဆင့်စွာ လူ့ ဘောင်လောကကြီးက လူတိကို ထိုက်တန်လို့ ပီးထားရေ တန်ဖိုးတခုပင် ဖြစ်တေ။ ဒေ တန်ဖိုးကို ဖေးသာနန့် ဝယ်ယူလို့ မရ။ အာဏာနန့် သိမ်းပိုက်လို့ မရ။ အတန်းပညာတိ အများကြီးတတ်တေ ဆိုပြီးကေ အပိုင်လို ချင်လို့ မရ။ လူ့ အခြံခံအသိတရားနန့် နှလုံးသားကြီးမားခါမှရာ အမွန်မြတ်ဆုံးလက်ဆောင်အဖြစ် လူတိကို ပီးတတ် တေ။

အားလုံးသူရိ သိကတ်တေအတိုင်း ရခိုင်ရို့ လူ့ ဘောင်စွာ အဖျက်ခံထားရရေ။ ဒေပိုင် အဖျက်ခံထားရရေ အရာတိထဲမှာ ဘာသာစာပီက ထိပ်ဆုံးက ပါနိန်ရေ။ အဂုဆိုကေ ရခိုင်မှာ စာမဟိဆိုရေ အမြင်မျိုးနန့် လူမျိုးခြားတိက ဝိုင်းပနာကြည့်လာကတ်တေ အခြေအနေဆိုးကိုရောက်ပါလတ်တေ။ ဘာသာစကားဆိုစွာ လူ့ အဖွဲ့ အစည်းဖြစ်တည် ရှင်သန်ဖို့ တစည်းတလုံးတည်းတည်တံ့နိန်ဖို့ ချိုင့်ပီးထားရေ ကြီးနန့် တူရေ။ အေကြီး အဖြတ်ခံရစွာနန့် ယင်းလူ့ ဘောင်စွာ ဖောင်ဖျက်ဝါးပိုင် အစည်းပြယ်ပနာ ထိုတစဒေတစ ကြင်းလားလီကတ်ရဖို့ စွာပါဗျာလ်။

ယင်းအတွက်နန့် ရခိုင်သားရခိုင်သမတိက ရခိုင်စာကိုရွီးပနာ ရခိုင်ရို့ ဘာသာစာပီ ပြန်ပနာ ရှင်သန်လာဖို့ ကြီးစား နိန်ကတ်ခြင်းရေ ရခိုင်ရို့ လူ့ ဘောင်၏အသက်ကို ကယ်ဆယ်ဖို့ ကြီးစားခြင်းနန့် တူရေ။ လူတယောက်၏အသက်ကို ကယ်နိုင်ကေပင် ကုသိုလ်ရရေ မြင့်မြတ်တေလို့ ခံယူထားကတ်တေ ဗုဒ္ဓဘာသာဝင် ရခိုင်သားရခိုင်သမတိစွာ သန်းနန့် ချီရေ ကိုယ့်လူမျိုးတိနန့် ကိုယ်ရို့ လူ့ အဖွဲ့ အစည်းကို ကယ်ဆယ်ဖို့ ကြီးပမ်းအားထုတ်နိန်ကတ်ခြင်းရေ အကျင့်မြင့်ပြီး ကေ အဆင့်ဟိခြင်းပင် ဖြစ်တေ။

**လမ်းသစ်နန့် လမ်းဟောင်းကြားက ခွဲဟ**

လမ်းဟောင်းကိုစွန့် ခွဲကတ်တေခါ လမ်းသစ်မှာ ကြုံလာရဖို့ အခက်အခဲ အတားအဆီး စိန်ခေါ်မှု၊ အားစမ်းမှု၊ ပတ်ဝန်းကျင်ကတိုက်ခတ်လာရေ လှိုင်းဒဏ်လီဒဏ်တိကို ခံနိုင်ရည်မဟိကေ ဖိအားတွန်းအားတိနန့် ရင်ဆိုင်ရပနာ ထိုမရောက်ဒေမရောက် လမ်းပျောက်လားတတ်တေ။ စိတ်ခွန်အားကို ပြည့်ဝအောင်လုပ်ထား ရပ်တည်မှုခိုင်ခိုင် မာမာနန့် မလျော့ရေဖွဲ့ကို ကိုင်ပနာလားခါမှ မျှော်မှန်းရေပန်းဖူးကို ရောက်နိုင်ဖို့ ။


ကမ္ဘာကြီးက ရပ်လို့ မနိန်ရေပိုင် လူတိလေ့ ပြောင်းနိန်ကတ်တေ။ အပြောင်းအလဲ အလှည့်အပြောင်းတိဆိုစွာ လူတိနန့် ရင်းနှီးကျွမ်းဝင်ပြီးသား မိတ်ဆွေကောင်းတိဖြစ်ပါလတ်တေ။ ဒေပိုင် အခြေအနေတိအောက်မှာ တချို့က အဟောင်းကို ချန်ထားပနာ အသစ်ဘားကို ဦးတည်ပြီးကေ လားကတ်တေ။ တချို့က အဟောင်းထဲမှာ နစ်မြုပ်ပနာ ဘဝဆုံးလားကတ်တေ။ တချို့က အဟောင်းထက် ပိုလို့ ဟောင်းရေ နိန်ရာကို ရွံလားနိန်ကတ်တေ။

သေချာနိန်စွာတစ်ခုက အချေခါဝတ်ခရေ အကျီတိကို ကြီးခါ ပြန်ဝတ်လို့ မရရေပိုင် အသစ်ဆိုစွာ လစ်လျူရှုပစ်ပယ် ထားလို့ ရရေ အရာမဟုတ်။ အသစ်နန့် မတို့ချင်ပါ ပုန်းလို့ နိန်ပါဖို့ ဆိုကေတောင် အသစ်က အိမ်ထဲထိဝင်လာနိုင်ရေ။ ခြင်ချေတစ်ကောင်ကိုက်တေဒဏ်ပုရွက်စိတ်ချေတစ်ကောင်ကိုက်တေဒဏ်ကို မခံနိုင်လို့ လမ်းတစ်ပိုင်းမှာ ကျန်လိုက်ဖို့ ဗျာယ် ရှိဆက်လို့ မလားနိုင်ဗျာယ် ဆိုခြင်းရေ အသစ်ကိုလိုချင်ရေ ကိုယ့်ယုံကြည်မှုကို အသိသတ်လိုက်ခြင်းပင် ဖြစ် တေ။

ဝိခွဲမရခွဲဟဖြစ်မှုက လူ့ စိတ်တစ်နိန်ရာမှာ ဟိနိန်တတ်တေ ခံစားချက်တစ်မျိုး။ ဒေခံစားချက်ကို အသိတရားနန့် ဆီးပြီးခါမှသန့် ယှင်းလတ်ဆတ်တေ အမြင်နန့် ရှိဆက်လားဖို့ ခရီးကို လှမ်းမြင်နိုင်ပါဖို့ ။

ခေတ်သစ်ဒိုင်တီဘလော့ဂ်စာမျက်နှာတိထက်က ရခိုင်စာပီလှုပ်ယှားမှုစွာ ခါးဆက်အဖြတ်ခံထားရရေ အညွန့် ချိုး ခံထားရရေ ရခိုင်စာပီအပင်ကြီးပြန်ရှင်လာဖို့ မြို့ဩဇာ အားဆီးတစ်ခွက်ဖြစ်ပါလတ်တေ။ အေပိုင်အချိန်ကာလမှာ ဒေ အပင်ကြီးရှင်သန်လာဖို့ အားလုံးဝိုင်းဝန်းပြုစုပျိုးထောင်ပီးမှုက လိုအပ်တေ။ အားစုံခါမှ အပင်လှပါဖို့ ။ ရွက်နုချေတိ

ထွက် အပွင့်ချေတိပွင့်ပနာ အနံ့ ချေတိသင်းယုံ ခွီးကြိုင်လာပါဖို့ ။ တက်ညီလက်ညီ ကလောင်ချေတိစုံပနာ မိုးဒဏ် လီဒဏ် လှိုင်းဒဏ်တိကို ခုံခံကာကွယ်ပြီးကေ ရခိုင်စာပီအပင်ကြီးကို ဝိုင်းရံပုံပိုးပီးလားကတ်ပါမေ။



### တော်လှန်ပြည်သူ့နန်း ပြောက်ကျားတိုင်းပြည်


လွတ်လပ်တေလူမျိုးမှ မြင့်မြတ်တေ။ လွတ်လပ်တေလူမျိုးမှ လူဖြစ်ခြင်းအနှစ်သာရ လူ့ ဂုဏ်သိက္ခာ လူ့ တန်ဖိုးကို ပိုင်ဆိုင်ရေး။ ဒေက္ခမ္မာလောကကြီးမှာ ကိုယ့်တိုင်းပြည်နန်း ကိုယ် ကျွန်ဖြစ်နိုင်ရစွာလောက် ရင်ဆာဖို့ ကောင်းစွာမဟိပါ။

ဒေပိုင် မယိုင်ကျေးရေ လူကလူကို သွီးစုပ်တေကိုနီလိုစနစ်ကို ဖျက်သိမ်းကတ်ဖို့ နိုင်ငံတကာဥပဒေတိ ပြဌာန်းထားရေး။ လူမျိုးတမျိုးက လူမျိုးတမျိုးကို ကျွန်ပြုထားခြင်းရေ လူစိတ်ပျောက်ပနာ ခွီးစိတ်ပေါက်ပြီးကေ ခွီးဘဝကို ကူးပြောင်းလားခြင်းပင် ဖြစ်ကြောင်း ဒေဥပဒေတိက လူတိကို သတိပီးထားရေး။ ယေကေလေ့ အေနီန့် ထက်ထိ ဗမာက ကိုလိုနီစနစ်ကို ပရိယာယ်မာယာအမျိုးမျိုးနန်း လိမ်ပနာ ကျင့်သုံးနိုင်တုန်းသိမ့်။ ယင်းအတွက်နန်း ရခိုင်အပါအဝင် မွန် ချင်း ကချင် ကရင် ရှမ်း စရေ လူမျိုးပေါင်းစုံကို ဗမာပဒေသရာဇ်စစ်စနစ်နန်း ကိုလိုနီလုပ် ကျွန်ပြုထားရေ ဗမာကို ခွီး လို့ ရာ သတ်မှတ်သင့်ရေး။ အဂုပိုင်ကျွန်ပြုထားနိုင်ခြင်းရေ ဗမာခွီးတိက တော်လို့ လား မဟုတ်ကေ ကျွန်ဖြစ်နိုင်ရရေ လူမျိုး ပေါင်းစုံက ညံ့လို့ လား။ နှစ်ခုမှာ တစ်ခုကတော့ကေ မှန်နိုင်လီဖို့ စွာက ဗေဒင်လားမိန်းကြည့်စရာမလိုလို့ ထင်ရေး။

က္ခမ္မာကြီးမှာ ကျွန်ဘဝကလွတ်မြောက်ပါလတ်တေ လူမျိုးတိုင်းပြည်တိသမိုင်းကိုလေ့လာကြည့်လိုက်ကေ အေသူရို့ ပြည်သူလူထုတိစွာ လူတိုင်းကတော်လှန်ပြည်သူတိ ဖြစ်နိုင်ပြီးကေယင်းသူရို့ တိုင်းပြည်တိကလေ့ပြောက်ကျား တိုင်းပြည်တိဖြစ်နိုင်ရေး။ လူတိုင်းက နိုင်ငံရေးခံယူချက်ခိုင်မာပြီးကေ နိုင်ငံရေးအသိစိတ်ခိုးကြားကတ်တေ။ လွတ်လပ်လို ရေ စိတ်ဆန္ဒတိပြင်းပြကတ်တေ။ ကိုယ့်ခြံထောက်မှာ ကိုယ်ရပ်ချင်ကတ်ပြီးကေ လူများပါးမှာ အောက်ကျမခံချင်ရေ မာနတိဟိကတ်တေ။ အမျိုးသားအကျိုးစီးပွားဆိုရေ စည်းဝိုင်းထဲမှာ စုပေါင်းတာဝန်ခံ စုပေါင်းတာဝန်ယူ စုပေါင်းလုပ် ဆောင်ချက်တိနန်း လူထုတော်လှန်ရေးကို အကောင်အထည်ဖော်ပနာ အောင်မြင်အောင်တိုက်ပွဲဝင်ပြီးကေ လူထု တိုင်းပြည်တိထူထောင်ကတ်စွာကို တွဲရရေး။ ဒေပိုင် လူမျိုးတိကို က္ခမ္မာကြီးက လေးစားရေး။ ဂုဏ်ယူအားကျကတ်တေ။

ရခိုင်သား ရခိုင်သမတိအားလုံးလေ့ တော်လှန်ပြည်သူတိ ဖြစ်ပါလတ်ပနာ ရခိုင်ပြည်ကြီးလေ့ ပြောက်ကျားတိုင်းပြည် ဖြစ်လာရေ တန်န့် တရက်မှာ ရခိုင်ရို့ ဗမာကိုလိုနီစစ်ကျွန်ဘဝက လွတ်မြောက်ပြီးကေ ဆုံးရှုံးနိုင်ရရေ ကိုယ့်တိုင်းပြည် ကို ကိုယ်ရို့ လက်ထဲမှာ ပြန်ပနာပိုင်ဆိုင်လာကတ်ရဖို့ စွာက ကျိန်းသီနိုင်ကြောင်း ပြောချင်ရေး။

လင်မယားရန်ဖြစ်တေပိုင် ဟန်ပြနိုင်ငံရေးနန်း အချိန်ဖြုန်းပါလတ်ကတ်တေ ဗမာဗဟိုပြုနိုင်ငံရေး ( Burman (Bamar) centered-politics) ကို နိဂုံးချုပ်အဆုံးသတ်ပြီးကေ နောက်ထပ်ပုံစံတမျိုးနန်း လိမ်ဖို့ အကွက်ဆင်ပါလတ်တေ နိုင်ငံရေး ရာသီအပြောင်းအလဲမှာ ရခိုင်သားတိ နောက်ကျမကျန်လိုက်ဖို့ လိုအပ်တေ။ ဒေပိုင် အသွင်ပြောင်းနိုင်ရေး ကာလမှာ ရေရှည်အမြင်နန်း နိုင်ငံရေးပြည့်ဝရေ မျိုးဆက်သစ်တရပ်ကို ရခိုင်သားရို့ ပြုစုပျိုးထောင်ပီးရဖို့ အချိန်ကို ရောက် ပါလတ်တေ။ နိုင်ငံရေးသားကောင် အဖြစ်မခံဘဲ တန်ဖိုးဟိရေ နိုင်ငံရေးသားကောင်းဖြစ်လာအောင် လုံ့ လစိုက်ကြီးစား အားထုတ်ကတ်ရဖို့ စွာက အဂုခေတ်ရခိုင်သား ရခိုင်သမချေတိ၏ မွီးရာပါတာဝန်ဝတ္တရားပင် ဖြစ်တေ။





**အမျိုးသီလ နှစ်ဌာနကို အဓိပ္ပါယ်ပြန်ဖွင့်ခြင်း**

အမျိုးသီလ နှစ်ဌာနစွာ ရခိုင်ပြည်ကျလားခါကပင် ကပ်ပါလားခဗျာယ်လို့ ပြောကော ရခိုင်သားတိ ဇာပြောကတ်ဖို့ လဲချင့်။ အမျိုးသီလ နှစ်ဌာနကို စောင့်ထိန်းကတ်ရဖို့ ဆိုခြင်းရေ ရခိုင်တိုင်းပြည်၏နိုင်ငံရေးမူဝါဒ တစ်ခုဖြစ်ခရေ။ အေချင့် ကို အကျယ်ချဲ့ ပြောရဖို့ ဆိုကော အမျိုးသီလ ဆိုစွာ ရခိုင်သားတိမှာ ကိုယ့်တိုင်းပြည်နန့် ကိုယ့်လူမျိုးကို ကိုယ်ရို့ ကာ ကွယ်စောင့်ရှောက်နိုင်ခြင်းနန့် နိုင်ငံကြီးသားစိတ်ဓါတ်ဟိခြင်းကို နိုင်ငံရေးအရပေါ်လစီချပနာ ဖော်ပြခြင်းပင် ဖြစ်တော။

အမျိုး (အနီရောင်) ၏ အဓိပ္ပါယ်က အချုပ်အချာအာဏာကိုပိုင်ဆိုင်ရေ စည်းမျဉ်းခံဘုရင့်နိုင်ငံတော်ဖြစ်တော ကိုယ်ပိုင်နိုင်ငံရေးအာဏာဟိရေ လူမျိုးတမျိုးဖြစ်တော.. ဒေပိုင်နိုင်ငံရေးဩဇာအာဏာနန့် . ကိုယ့်လူမျိုးလုံခြုံရေးကို ကိုယ်ရို့ ကာကွယ်နိုင်ရေ ဆိုစွာကို ဖော်ညွှန်းခြင်းပင် ဖြစ်တော။ ရခိုင်သားက ရခိုင်သမကို ယူခြင်းရေ အမျိုးချစ်တောလို့ ထင်မြင်ယူဆနိုင်ကတ်ခြင်းရေ တပိုင်းတစရာ မှန်ရေ အားလုံးမမှန်ပါ။

သီလ (အဖြူရောင်) ၏ အဓိပ္ပါယ်က နိုင်ငံကြီးသားစိတ်ဓါတ်ဟိရေ တရားမျှတရေးတန်းတူရေးငြိမ်းချမ်းရေး လောကပါလတရားကို တန်ဖိုးထားရေ လူသားဝါဒကိုကျင့်သုံးရေ ဆိုစွာကို ဖော်ပြခြင်းပင် ဖြစ်တော။ ဘာသာရေး ရှုထောင့်အမြင်အရ ရခိုင်သားတိုင်း ငါးပါးသီလစောင့်ထိန်းကတ်ရဖို့ လို့ ဆိုလိုခြင်း မဟုတ်ပါ။ လောကီလောကုတ္တရာ ပေါင်းထားပနာ ရခိုင်ရို့ လူ့ ဘောင် တခုလုံး လိုက်နာနိုင်အောင် ချမှတ်ကျင့်သုံးခရေ နိုင်ငံရေးပေါ်လစီတခု ပင်ဖြစ်ပါရေ။

နိုင်ငံကြီးသားစိတ်ဓါတ်ဆိုစွာ နိုင်ငံကြီးခြင်း ငယ်ခြင်း လူဦးရေ များခြင်းနည်းခြင်းနန့် မဆိုင်ပါ။ အကျင့်နန့် ရာဆိုင် ပါရေ။ လူ လူချင်းတန်ဖိုးထားပနာ လူသားစိတ် ဇာလောကကြီးမားလေ ဆိုရေ ပေတံနန့် ရာ တိုင်းတာနိုင်ပါရေ။ ဗမာမှာ နိုင်ငံကြီးသားစိတ်မဟိပါ။ ဗမာသမိုင်းမှာ ညီကိုအရင်း အချင်းချင်းသတ်ကတ်တော။ အဂုလေ့ ရှမ်းမတိကို မုဒိမ်းကျင့် ကရင်ရွာတိကို မီးတိုက် လူသတ်။ အေချင့်က ဗမာစစ်ဦးတိမှာ ဒမြစ်စိတ်ဓါတ်ရာ ဟိရေ ဆိုစွာကို ဖော်ပြနိုင်ပါရေ။ ဗမာမှာ လူဦးရေ သန်း (၂၀) လောက်ဟိကောလေ လူသားစိတ်မဟိ ယိုင်ကျေးမှုမမြင့်မား နိုင်ငံကြီးသားစိတ်မဟိဆိုစွာကို ကမ္ဘာ့အသိုင်းအဝိုင်းက လက်ခံထားကတ်တော။

ဆက်ပြောရဖို့ ဆိုကော အေနီနန့် ကာလမှာ အမျိုးသီလ နှစ်ဌာနကို ရခိုင်သားတိ စောင့်ထိန်းခွင့်မရရေ အခြေအနေ မျိုးဆိုက်ရောက်နိုင်ရရေ။ ဗမာစစ်ဦးတိ ချမှတ်နိုင်ရေ ဒမြဝါဒအောက်မှာ ဗမာစစ်ဦးတိ မိုင်းတိုက်ဖြန့် ချီနိုင်ရေ ဆီဆွတ် ပေါ်လစီတိအောက်မှာ ရခိုင်သားတိ အမျိုးသီလ နှစ်ဌာနကို ပြည့်ဝမဏ္ဍိုင် မစောင့်ထိန်းနိုင်ရေ အခြေအနေဆိုး ဘဝဆိုး အငတ်ဘုံ ပြာပုံမှာတိုးနိုင်ရရေ အဆင့်ကိုရောက်နိုင်ကတ်ရစွာ အားလုံးသူရို့ သိကတ်ပါရေ။ ဥပမာတခုပီးရဖို့ ဆိုကော မွီးပျံ့ ကြိုင်သင်းရေ ပန်းခြံတခုဆောက်ဖို့ . မြီဇက လေးငါးခြောက်ဇကလောက် အနည်းဆုံးလိုအပ်တော။ မြီမဟိကော ယင်းပန်းခြံဆောက်လို့ မရ။ ယင်းပိုင်ဗျာယ် အမျိုးသီလ နှစ်ဌာနကို ပြည့်ဝမဏ္ဍိုင် စောင့်ထိန်းနိုင်ဖို့ ကိုယ်ပိုင်အချုပ် အချာအာဏာနန့် ကိုယ်ရို့ အုပ်ချုပ်တောတိုင်းပြည်လိုအပ်တော။

ယင်းအတွက်နန့် ကိုယ်ပိုင်အချုပ်အချာ အာဏာပိုင်ခွင့်နန့် ရခိုင်ရို့ ပြည်ကို ရခိုင်တိ အုပ်ချုပ်ခွင့် ရဟိရေး အတွက် ဗမာကိုလိုနီစစ်စနစ်ဖျက်သိမ်းရေးနန့် ဗမာစစ်ဦးတိကို ရခိုင်ပြည်က မောင်းထုတ်ရေးရေ ပထမ ဖြစ်လာရပါဖို့ ။ ယပြီးခါမှရာ အမျိုးသီလ နှစ်ဌာနကို ပြည့်ဝမဏ္ဍိုင် စောင့်ထိန်းနိုင်ရေ ရခိုင်သားလို့ ကမ္ဘာကြီးအလယ်မှာ လက်မထောင် လာနိုင်ပါဖို့။ ။ ။



## ဆောင်းပါးကဏ္ဍ

### မမြင်နိုင်ရေး ပါဝါ

၁၉၄၅ ခုနှစ် ဩဂုတ်လ ၆ ရက်နေ့၊ ၉ ရက်နေ့ တို့မှာ ဟီရိုချီးမားနန်း နာဂါစကီမြို့ တို့ကို နူးကလီးယားဗုံးတို ချုပ်လှိုက်တော့နောက်ပိုင်း ဩဂုတ်လ ၁၅ ရက်နေ့ မှာ ဂျပန်အင်ပါယာဘုရင် ဟီရိုဟိတို က ဂျပန်တို့ လက်နက် ချ ကြောင်း ရေဒီယိုက ကြေငြာလိုက်ပြီးကေ လူသန်းပေါင်း ၇၀ ကျော် အသက်ဆုံးယှုံးလားခရရေ ဒုတိယ ကမ္ဘာစစ်ကြီး ကို အဆုံးသတ်လိုက်တော့။ ဂျပန်ဖက်ဆစ်စစ်ဝါဒလေ့ နိဂုံးချုပ်ဇာတ်သိမ်းလားခရေ။

ဒေန်နရာမှာ စိတ်ဝင်စားဖို့ အကောင်းဆုံးအချက်တခုက ဟီရိုချီးမားပိုင် မြို့ ကြီးတမြို့ လုံးကို ပြာကျလားနိုင်အောင် စွမ်းအားပြင်းရေ ဗုံးကို ဒုက္ခသည်တယောက်က တီထွင်ပီးလိုက်ခြင်းပင် ဖြစ်တော့။ အားလုံးသူရို့ သိထားကတိတော့ အေ ဒုက္ခသည် (ဝါ) ရဖျူဂျီ က သိပ္ပံပညာသျှင်အိုင်စတိုင်းပင် ဖြစ်ပါရေ။ ဂျာမန်နာဇီတို့ လိုက်သတ်လို့ အသက်ကိုဖက်နက် ထုပ်ပန်နာ ထွက်ပြီးလာလတ်ရရေ အိုင်စတိုင်းစွာ အမေရိကန်နိုင်ငံမှာ နိုင်ငံရေးခိုလှုံခွင့်လျှောက်ပန်နာ ဒုက္ခသည်ဘဝနန့် ကမ္ဘာကြီးကောင်းကျိုး နန့် လူသားအခွင့်အရေးတိအတွက် တိုက်ပွဲဝင်ခပြီးကေ ၁၉၅၅ ဧပြီလ ၁၈ ရက် အသက် ၇၆ နှစ်မှာ ကွယ်လွန်လားခရေ။


ဂျာမန်နာဇီတို့ အနုမြူဗုံးထုတ်ဖို့ အစီအစဉ်ဟိစွာကို အရိပ်ကျလို့ ၁၉၃၉ ခုနှစ် ဩဂုတ်လ ၂ ရက်နေ့ မှာ အမေရိကန်သမ္မတရူစဗဲဘားကို အိုင်စတိုင်းက စာတစောင်ရီးပို့ ခရေ။ ယင်းစာထဲမှာ ယူရေနီယမ်သတ္တုကို အခြေခံပန်နာ အင်အားပြင်းရေ နူကလီယားဗုံးတီထွင်လို့ ရနိုင်ကြောင်းကို အကြံပြုတင်ပြထားရေ။ ဂျာမန်နာဇီတို့ ဆုံးမဖို့ ရည်ရွယ် ချက်ထားခရေ အိုင်စတိုင်းဖော်မြူလာနန့် အိုင်ဒီယာစွာ အဂေါင့်ဂေါင့်ဗုံးဖြစ်လာပြီးကေ ဂျာမန်နာဇီတို့ စောစောစီးစီး လက်နက်ချလားခကတိတော့ခါ ဂျပန်ဖက်ဆစ်တို့ကိုရာ ဒုတိယကမ္ဘာစစ်လက်ဆောင်အဖြစ် ပီးလိုက် ကတိတော့။ အတိုချုပ်ပြောရဖို့ ဆိုကေ ဂျာမန်လူမျိုးကြီးစိတ်ခါတ်မှာ အခြေခံထားရေ အစွန်းရောက်နာဇီဝါဒနန့် ဂျပန်အင်ပါယာချဲ့ ထွင်ရေးအမျိုးသားရေးစိတ်ခါတ်မှာ ဗဟိုပြုထားရေ ဖက်ဆစ်စစ်ဝါဒတိကြောင့် ဖြစ်လာရရေ ဒုတိယကမ္ဘာစစ်ကို ဒုက္ခသည်အိုင်စတိုင်းက အဆုံးသတ်ပီးလိုက်တော့။

အဂုလေ့ ဂျပန်ဖက်ဆစ်ဘားက စစ်ပညာအဓိရလိုက်ပြီးကေ မဟာဗမာလူမျိုးကြီးဝါဒနန့် ကျိုင်းမြောင်းရေ ဗမာအမျိုးသားရေးဝါဒမှာ သန္ဓေတည်ပန်နာ မွီးဖွားပါလတ်တေ ဗမာစစ်တပ်နန့် နအဖစစ်အုပ်စု၏ လူစိတ်ပျောက်ပြီးကေ စစ်သွီးကြွန်နီစွာကို အဆုံးသတ်နိဂုံးချုပ်ဆုံးမပီးဖို့ အိုင်စတိုင်းပိုင် ဦးနှောက်ပါဝါသျှင်တိ လိုအပ်နိန်ရေ။ ဒုတိယကမ္ဘာ စစ်မှာ ဂျာမန်နာဇီနန့် ဂျပန်ဖက်ဆစ်တိ တပ်ပျက်ပြီးကေ လက်နက်ချခရရေပိုင် ဗမာစစ်တပ်လေ့ ထိန်းမနိုင်သိမ်းမရ ပြိုကျလားခါမှရာ ဗမာစစ်အာဏာသျှင်စနစ် အမိုက်ဇာတ်သိမ်းလားနိုင်ဖို့။ ဗမာစစ်ဝါဒတိ အမှားကြီးမှားနိန်ခကတိတော့ ဆိုစွာကို အကြီးအကျယ်နှောင်တသံဝေဂတိရလာခါမှရာ မြန်မာနိုင်ငံမှာ နိုင်ငံရေးအပြောင်းအလဲဖြစ်လာနိုင်ဖို့။

ဗမာစစ်အုပ်စုပိုင် တောပုန်းဒမြတ်ကို ဆုံးမနိုင်ဖို့ အရေးကြီးဆုံးလက်ကိုင်ထားသင့်စွာက ဦးနှောက်ထဲက မမြင်နိုင်ရေးပါဝါလက်နက် ပင်ဖြစ်တော့။ ကိုယ့်ဦးနှောက်ထဲက မွီးရာပါအဓိကို အထင်မသေးဖို့ လိုအပ်ကေ အစွမ်းဟိဟိ ထုတ်သုံးတတ်ဖို့ အချိန်တိုင်းကြိုးစားသင့်ရေ။

နိုင်ငံရေးအရ ဖိနှိပ်မှု၊ လူမျိုးရေးအရခွဲခြားဆက်ဆံခံရမှု၊ စီးပွားရေးအရလက်ဝါးကြီးအုပ်ဂုတ်သွီးစုပ်ချယ်လှယ်ထားမှု၊ ပညာရေးအရ အသိဉာဏ်တိမပွင့်အောင်ဖျက်ဆီးထားမှု၊ ဗမာမူပြုရေးပေါ်လစီအရ ကျွန်စိတ်ပေါက်နိန်အောင် မှိုင်း တိုက်ထားမှု စရေ ဒုက္ခကုဋေကုဋာတိနန့် ဖိစီးမှုဒဏ်တိကို မခံနိုင်လို့ ကိုယ်ရို ချစ်တေ ရက္ခမြီနန့် ရခိုင်ပြည်ကိုစွန့်

ရွာလာရပနာ နိုင်ငံရပ်ခြားတိုင်းပြည်တိမှာ ရောက်နိုင်ကတ်တေ ရခိုင်မျိုးဆက်သစ်လူငယ်ချေတိ မမြင်နိုင်ရေ ဦးနှောက်ထဲက ပါဝါကို ကြည့်တတ်မြင်တတ်လာအောင် လုံ့လထုတ်သင့်ရေ။ကိုယ့်ဦးနှောက်ကို ကိုယ့်ရို၊ ယုံကြည် ကိုးကွယ်အားထားကတ်ရပါဖို့ ။ ဦးနှောက်ပါဝါမြင့်မားလာခါမှရာ အမျိုးချစ်ခြင်းကို လက်တွဲပြသလာနိုင်ပါဖို့ ။ ကိုယ့် လူမျိုးနုန့် ကိုယ့်ရခိုင်ပြည် ဗမာကိုလိုနီစစ်ကျွန်ဘဝက လွတ်မြောက်အောင် စွမ်းဆောင်ပီးလာနိုင်ဖို့ စွာက မမြင်နိုင်ရေ ဦးနှောက်ထဲက ပါဝါတိရာ ဖြစ်ပါရေ။ ။ ။



**ရခိုင်ရို စာပီနုန့် မီဒီယာသစ်**

ဒေန်န့် ကာလရခိုင်ပြည်နုန့် ရခိုင်တမျိုးသားလုံး ဗမာကိုလိုနီစစ်ပဒေသရာဇ်ကျွန်ဘဝကလွတ်မြောက်ဖို့ တိုက်ပွဲ ဝင်နိုင်ကတ်တေအချိန်မှာ ရခိုင်လူထုတော်လှန်ရေးနုန့် ရခိုင်ရို အမျိုးသားနိုင်ငံရေးလှုပ်ယှားမှုကို အရှိန်အဟုန် မြှင့် တင်လာနိုင်ဖို့ ကိုယ်ပိုင်စံ ကိုယ်ပိုင်ဟန်နုန့် ကိုယ်ပိုင်ရိုးရာယိုင်ကျေးမှုစာပီကို ဖော်ဆောင်ဖို့ လိုအပ်ပါလတ်တေ။ ကိုယ်ပိုင်ဂုဏ်အင်္ဂါလက္ခာရပ်တိမဟိကေ ကိုယ်ပိုင်ပြုငြိန်းခွင့်နုန့် လူ့ အခွင့်အရေးတိလေ့ရလာဖို့ မဟုတ်လို့ ပြောချင်ရေ။

လက်ဟိပြည်ပရခိုင်နိုင်ငံရေးနယ်ပယ်ထဲမှာထုတ်ဝီနိုင်ကတ်တေသတင်းစာနှစ်စောင်သုံးစောင်ဟိရေ။ ဒေသတင်းစာ တိအားလုံးက ဗမာစာအရီးအသားနုန့် ထုတ်ဝီနိုင်ခြင်းပင် ဖြစ်တေ။ ဒေသတင်းစာတိကို ရခိုင်နာမေ တပ်ထားကတ် ကေလေ့ ဗမာစာနုန့် ရိုးသားပုံနှိပ်နိုင်ကတ်ခြင်း၏အကျိုးရလဒ်က ဗမာစာပီတိုးတက်ဖွံ့ဖြိုးလာစီရေးကို ရခိုင်သားတိ တဖက်တလမ်းက ကူညီပီးနိုင်ရေပိုင်ဖြစ်နိုင်ပြီးကေ ရခိုင်သားမှာစာမဟိလို့ ဗမာစစ်ဝါဒီတိအဆက်ဆက် ဝါဒဖြန့် ချိရေး လုပ်လာစွာကို လားပနာသက်သီလိုက်ထောက်ခံပီးနိုင်ပိုင် ဖြစ်နိုင်ရေ။ ရခိုင်သားက ရခိုင်ပိုင်ရိုးဖို့ ကြိုးစားအားထုတ် ခြင်းမဟိလို့ ဗမာစစ်ပဒေသရာဇ်တိ စနစ်တကျပုံသွင်းတံဆိပ်ကပ်ပါလတ်တေ ဗမာနုန့် ရခိုင် အတူတူရာ ဆိုစွာကို သဘောတူလက်ခံရေပိုင် ဖြစ်နိုင်ရေ။

ရခိုင်ရို မီဒီယာသစ်ကို အကောင်အထည်ဖော်လားနိုင်ဖို့ ရခိုင်နိုင်ငံရေးနုန့် ရခိုင်ပြည်သူလူထုကို တသွီးတသား တည်းဖြစ်အောင်ဆက်စပ်ပီးလားနိုင်ဖို့ တခုတည်းရာဟိရေ ဆက်ဆံရေးပေါင်းကူးလမ်းမကြီးက ရခိုင်စာ နုန့် ရခိုင်ရို စာပီ ပင်ဖြစ်တေ။ ယင်းအတွက်နုန့် အနာဂတ်ကာလမှာ ရခိုင်သားရို ထုတ်ဝီလာကတ်ဖို့ ဂျာနယ်၊ သတင်းစာ၊ မဂ္ဂဇင်း၊စာအုပ်သစ်၊ ဘလော့ဂ်စာမျက်နှာဝပ်ဆိုဒ်တိကို ခေတ်သစ် ရခိုင်စာ အရီးအသားနုန့် ထုတ်ဝီလားသင့်ရေလို့ အကြံပြုတင်ပြချင်ရေ။အေပိုင်ထုတ်ဝီခြင်းရေ “ရခိုင်စာပီသမိုင်းယိုင်ကျေးမှုတိ ကို ပြန်ပနာဖော်ထုတ်ရေး” ဆိုရေ ရခိုင်ရို နိုင်ငံရေးဦးတည်ချက်ပေါ်လစီနုန့် လားကိုက်ညီပြီးကေ ရခိုင်အသိုင်းအဝိုင်းထဲမှာ ရခိုင်စာပီအရီးအသားတိ မြိုင်ဆိုင်ထွန်းကားလာဖို့ စွာကကျိန်းသီနိုင်ရေ။

ပြည်ထဲမှာ ရခိုင်ပိုင်တေးခြင်းတိဆိုပနာ ရခိုင်ပိုင်ပြောရေဗီဒီယိုတိရိုက်ကူးပြသနိုင်ကတ်ခြင်းရေ ရခိုင်လူထုက ရခိုင်စာပီကိုမြတ်နိုးတန်ဖိုးထားကြောင်းဖော်ပြနိုင်ခြင်းပင် ဖြစ်တေ။ ဒေပိုင်အချိန်မှာ ရခိုင်နိုင်ငံရေးသမား ပါတီအဖွဲ့


အစည်းတိကလေ့ ရခိုင်စာပီရှင်သန်တိုးတက်လာရေးကို မူဝါဒချပနာ လက်တွဲအကောင်အထည်ဖော်ဖို့ လိုအပ်ပါလတ်တော့။ ယေမှ ရခိုင်လူထု၏ဆန္ဒနှင့် ရခိုင်နိုင်ငံရေးတော်လှန်ရေးသမားတို့၏မူဝါဒလမ်းစဉ် တထပ်တည်းကျန်ကြောင်းကို မြင်တွဲလာကတ်ရပါဖို့ ။ ရခိုင်နိုင်ငံရေးသမားတို့ပြောချင်ရေ အတွေးအခေါ်အမြင်အိုင်ဒီယာတို့ကို ရခိုင်ပိုင်ရီးပြနိုင်ခါမှရာ ရခိုင်လူထုက နှလုံးသားနန့် နားလည်လက်ခံလာကတ်ဖို့ လို့ ယုံကြည်မိရေ။

အဂုခေတ်ရခိုင်မျိုးဆက်သစ်လူငယ်ချေတိက ရခိုင်ပိုင်ရီးခြင်းကို ဂုဏ်ယူနှစ်သက်ကတ်ကြောင်းကို အထင်အရှား တွဲလာနိုင် ကတ်ရရေ။ အဖွဲ့ဝင်ပေါင်း လေးထောင့်သုံးရာကျော်ဟိရေ ရခိုင်အိန်တာနက်တစ်ယုက်တခုမှာဆိုကေ ရခိုင်ပိုင်ရာ ရီးသားပြောဆိုဆွေးနွေးနိန်ကတ်စွာကိုတွဲရရေ။ ဗမာဖက်ဆစ်နယ်ချဲ့ စစ်ဝါဒီတို့၏ဂုတ်သွီးစုပ်နှိပ်စက်ခံနိန်ရမှုတိ အောက်မှာ ရခိုင်လူငယ်တို့၏အမျိုးသားဇာတိမာန်ကို ရခိုင်ဘာသာစကားစာပီကိုလက်ကိုင်ထားပနာ လမ်းကြောင်းအမျိုးမျိုးနန့် ဖော်ပြလာကတ်တော့။ ရခိုင်ပိုင်ရီးရေ ဘလော့ဂ်စာမျက်နှာတိက ရခိုင်မျိုးဆက်သစ်ချေတိ ဇာချင့်ကိုတောင်းဆိုနိန်ကတ်လေ ဆိုစွာကို ထောက်ပြနိန်ရေ။

ယင်းအတွက်နန့် ရခိုင်မျိုးဆက် သစ်တိကို နည်းဗျူဟာ မဟာဗျူဟာကျကျ စည်းရုံးနိုင်ဖို့ ဗမာတိနန့် မရောပဲ ရခိုင်အမျိုးသားအကျိုးစီးပွားစည်းပိုင်းထဲက သီးခြားနိုင်ငံရေးဟန် အသွင်သဏ္ဍာန်ဟိရေ မျိုးဆက်သစ်တရပ်ကို ပြုစုပျိုးထောင်ပီးနိုင်ဖို့ ရခိုင်ပိုင်ရီးခြင်း ရခိုင်စာပီမီဒီယာသစ်ကိုဖော်ဆောင်ခြင်းက အထိရောက်ဆုံးလမ်းကြောင်းကို ရွီးချယ်လားခြင်းပင်ဖြစ်တေလို့ ယူဆရေ။

ရခိုင်သားက ရခိုင်စာကို နိုင်ငံရေးနယ်ပယ်ထဲမှာ တရားဝင်ရုံးသုံးဘာသာစကားအဖြစ် အသုံးပြုဖို့ ကြိုးစားခြင်းရေ ရခိုင်ရို့ နိုင်ငံရေးစာမျက်နှာသစ်ကို မော်ကွန်းတင်လိုက်ခြင်းပင် ဖြစ်တေလို့ ပြောနိုင်ပါဖို့။ ကိုယ့်ဘာသာစကားစာပီကို ကိုယ်ရို့ ကတန်ဖိုးမထားကေ တယောက်ချေလေ့ လှည့်ကြည့်ပီးဖို့ မဟုတ်စွာက ကျန်းသီနိန်ပါရေ။ ကိုလိုနီကျွန်ပြုခံထားရခြင်းက လွတ်လပ်လာကတ်တေ လူမျိုးတိုင်းပြည်တိ၏နိုင်ငံရေးသမိုင်းကြောင်းတိကို လေ့လာကြည့်လိုက်ကေ ဘာသာစကားစာပီလှုပ်ယှားမှုတိနန့် တော်လှန်ရေးစကတ်စွာကိုတွဲရရေ။ ပြောရဖို့ ဆိုကေ ဘာသာစကားစာပီစွာ လူမျိုးတမျိုး ရပ်တည်ရှင်သန်နိုင်ဖို့ မောင်းနှင်လည်ပတ်ပီးနိန်ရေ အဓိကအသက်သွီးကြောပင်ဖြစ်ပါရေ။

နိဂုံးချုပ်ပြောရဖို့ ဆိုကေ ခေတ်သစ်ရခိုင်စာအရီးအသားနန့် ရခိုင်ရို့ မီဒီယာသစ်ကို တည်ဆောက်ခြင်းရေ ကိုယ့်ရခိုင်လူမျိုးအတွက်တန်ဖိုးမဖြတ်နိုင်ရေအကျိုးရလဒ်တိကို ယူဆောင်ပီးလာနိုင်ရေလို့ ယုံကြည်မိလိုက်ပါယင့်။ ။ ။



**ဆင်ခြိုကို ဆင်ခြိပီးခြင်း**

ရခိုင်သားက ရခိုင်စာကို မရီးခြင်းရေ ကိုယ့်ကိုမွီးထုတ်ပီးလိုက်တေ အမိအဖ သမိုင်းစိုင့်ဆက်ထိန်းသိမ်းပါလတ်တေ ရခိုင်ရို့ ယိုင်ကျေးမှု (အင်္ဂလိပ်ပိုင် Civilization) ရိုးရာအမွီအနှစ် စာပီဂီတ လူ့အခြံခံအသိစိတ် ကိုယ်ကျင့်တရား လူ့ဘောင်နီတိ အစဟိရေ လူဖြစ်ခြင်း၏အဆီအနှစ်တိ အားလုံးကို လက်ခံဖို့ ငြင်းဆန်လိုက်ခြင်းပင် ဖြစ်တေ။ တိရစ္ဆာန်တိစွာ အစာစားတတ်တေ၊ အိပ်တတ်တေ၊ ကာမမှီဝဲတတ်တေ။ ယေကေလေ့ ယင်းသူရို့ မှာ စာ မဟိ။ ယင်းပိုင်ဗျာယ်

ကိုယ့်မှာဟိရေ ရခိုင်စာကို မရီးရေ ရခိုင်သားစွာ တိရစ္ဆာန်ဘဝကို ဖဲသာပီးစရာမလို အော်တိုရောက်လားကတ်ရဖို့ စွာက ကျိန်းသီနိန်ရေ။

ရခိုင်ရို့ သမိုင်းကို စာမျက်နှာတရွက်ချေလောက် လှန်ကြည့်လိုက်ဖို့ ဆိုကေ ရခိုင်သားတိမှာ စာဟိစွာ ထိုဖက်ကမ်း ကိုတောင်ရောက်လားသိမ့်ရေ။ ဗမာတိ လူမဖြစ်ခင်ကပင် ရခိုင်သားတိ တိုင်းပြည်နိုင်ငံထူထောင်ပါလတ်စွာ နှစ်ပေါင်း ထောင်ချီလားခဗျာယ်။ ဗမာတိလူလို စဖြစ်တေ အချိန် အေဒီ 849 ပုဂံကို ထူထောင်ရေ ကာလမှာ ရခိုင်သားတိစွာ ပထမညေဝတီ ဒုတိယညေဝတီ စိုင်းခြားခေတ် ဝေသာလီ စရေ ခေတ်ကြီးလေးခေတ်ကို ထူထောင်ပနာ နိန်ပါလတ် ကတ်ဗျာယ်။ ဒေပိုင် သမိုင်းပုံရိပ်ကြီးခကတ်တေ ရခိုင်သားတိ ဒေနိန် ကာလမှာ ကိုယ့်ရို့ အဖိုးအဖီးတိ ထားပစ်ခရေ ကိုယ့်ရို့ စာကို ရီးကတ်ဖို့ ဖင်ကချီးထွက်အောင် အော်ပြောနိန်ရစွာ နွားတိကို ဟဲပီးမယ်လ်တေလ် တေးခြင်းလားဆိုပြ နိန်ပိုင် ဖြစ်နိန်ရရေ။

**ရခိုင်သားက ရခိုင်စာကို တန်ဖိုးမထား မရီးကတ်ခြင်း၏ ဆိုးကျိုးတိ**

(၁) စာပီပျောက်ခြင်း (စာပီပျောက်ကေ လူမျိုးတုံးလားဖို့ စွာက ဗေဒင်မိန်းစရာ မလို။)

(၂) သမိုင်းယိုင်ကျေးမှု အစိုင်အလာ ခလေ့ထုံးတမ်းစိုင်းလာ မျိုးရိုးဗီဇ အတွေးအခေါ် အမြင် ယုံကြည်ချက် တိ အားလုံး ပျောက်လားခြင်း (အေချင့်တိအားလုံးကို စာနန့် ရာမှတ်တမ်းတင်လို့ ရရေ။)

(၃) ဗမာစာကို လားရီးနိန်ကတ်ခြင်းက ကိုယ့်သီတွင်းကို ကိုယ်လားတူးပိုင်ဖြစ်နိန်ပနာ ခွီးထက်အဆင့်နိမ့်ရေ ဗမာဘား မှာ ကျွန်ဖြစ်နိန်ရစွာကို ပျော်ပါရေ လို့ ဝန်ခံခြင်းနန့် လားတူနိန်ရေ။

**ရခိုင်စာမရီးချင်ရေ ရခိုင်သားရို့ ၏ဆင်ခြ်**

(၁) အချေခါ ကျောင်းမှာ ဗမာပိုင်သင်လာရလို့ ရခိုင်ပိုင် မရီးတတ်လတ်။ (အဂုဒေစာကို ရီးနိန်ရေ မြောက်ဦးကဘီလူး လေ့ အချေခါ ကျောင်းမှာ ဗမာခွီးစာကို မသင်ချင်ပဲနန့် အားမွေ့သင်လာရစွာပါရာ။)

(၂) ရန်ကုန်မှာ အနိန်များလို့ ရခိုင်စာမရီးတတ်ပါ။ (အဂုစာရီးနိန်ရေ မြောက်ဦးကဘီလူးလေ့ ရန်ကုန်မှာ အကောင်းဆုံး တက္ကသိုလ်တခုမှာ (၇) နှစ်လောက် ကျောင်းတက်ခရေ လူပါရာ။)

(၃) ဗမာအပါအဝင် ကျန်ရေ တိုင်းရင်းသားလူမျိုးတိပါ ဖတ်စီချင်လို့ ဗမာပိုင် ရီးရေလတ်။ အေပိုင် ရီးခြင်းကို အမြင် ကျယ်ရေလို့ ပြောကတ်သိမ့်ရေ။ (လက်တွဲအခြေအနေမှာ ဗမာခွီးစာကို ကျန်ရေ ကချင်၊ ကယား၊ ကရင်၊ မွန်၊ ရှမ်း၊ ချင်းတိ တယောက်လေ့ မဖတ်ကတ်။ သူရို့ မှာ သူရို့ ကိုယ်ပိုင် ဘာသာစကားစာဟိရေ။ သူရို့ စာကို သူရို့ ချစ်မြတ်နိုး ကတ်တေ။ သူရို့ ဝက်ဆိုဒ်တိကို သူရို့ စာနန့် ရီးကတ်တေ။ မယုံကေ အောက်မှာလားကြည့်ကတ်ပါ။)

<http://kachinnews.com/kachin/>

<http://www.monnews-imna.com/monindex.php>


<http://www.kwekalu.net/>

<http://www.mongloi.org/>

ဗမာဆိုရေ ခွီးတိကလေ့ သူရို ဗမာတိရီးရေ ဗမာစာကိုရာ လားဖတ်တေ။ ရခိုင်တိ ဆီဆွတ်ချင်ရေစိတ်နန် ရီးထားရေ ဗမာစာကို ဗမာတိစိတ်မဝင်စား။ လူမျိုးရေးမုန်းတီးခွဲခြားဆက်ဆံချင်ရေစိတ် အဟိဆုံးလူမျိုးစွာ ဗမာဖြစ်တေ။ ရခိုင် သားတိ ခံစားနိုင်ရရေ အကြောင်းအရာတိကို ဗမာကိုလားပြောနိုင်လို မရ။ ခွီးကို နိဗ္ဗာန်ရောက်ကြောင်းတရား လားဟောပြပိုင်ဖြစ်နိုင်ဖို့ ။ နာဂစ်ဖြစ်တေခါ ဟိုင်းကြီးကျွန်းက ရခိုင်တိကို ဗမာတိလားပြီးကေ အကူအညီမပီးပါ။ ရခိုင်ဖြစ်နိုင်လို လတ်။ ရောဝတိတိုင်းက ကရင်ရွာတိကိုလေ့ လားပြီးကေ အကူအညီမပီးကတ်။ ကရင်ဖြစ်နိုင်လို ပါလတ်။ ယင်းအတွက်နန် ကိုယ့်ကိုယ်ကို အမြင်ကျယ်ရေလို ထင်ပနာ ဗမာစာကို လားရီးနိုင်ရေ ရခိုင်သားတိစွာ အမြင်ကျယ်စွာက မဟုတ် ဆီဆွတ်စွာများလားလို ဖင်ကျယ်နိုင်ခြင်းရာ ဖြစ်တေ။ အဂေါင်ဂေါင် အမြင်ကျယ်ချင်ကေ ကမ္ဘာသုံးဘာသာစကား (၅) မျိုးထဲက တမျိုးမျိုးကို အလှပလတတ်အောင်သင်.. ယေပြီးကေ ရခိုင်ပြည်မှာ ဖြစ်ပျက်နိုင် ရေ အကြောင်းအရာတိကို ယင်းဘာသာကြီးတိနန် ရီးပါ။ ရခိုင်သားတိ ဗမာကျွန်ဘဝမှာ ငရဲကျန်စွာကို ကမ္ဘာ့ယိုင် ကျေးရေအသိုင်းအဝိုင်းတိသိအောင်လုပ်နိုင်ခြင်းကရာ သွီးစစ်တေ အမြင်ကျယ်ခြင်းလို လက်ခံရပါဖို့ ။

ရန်ကုန်မှာကျောင်းတက်တေ အချိန်ကဆိုကေ ဗမာတိက ဘီလူးကို ပြောရေ “ဗမာစကား မပီလတ်”။ ယေကေ ဘီလူးက ဗမာတိကို ပြန်ပြောရေ “ငါကား ဗမာက မဟုတ် ရခိုင်ရာ။ ဇာဖြစ်လို ဗမာစကားပီရဖို့ စွာလဲ။ မင်းရို့ အပြန် အလှန်အသိဉာဏ်ဟိကေ ရခိုင်စကားပြောကြည့် ရဖို့ လား”။ အေပိုင်ပြန်ပြောလိုက်ခါကပင် တခါချေလေ့ ဗမာစကား မပီလို ပဇာမဟာဝံကတ်ဗျာယ်။

ကိုယ့်စာကို ကိုယ်မလေးစားခြင်းရေ မိမိကိုယ်ကို အသိအမှတ်မပြုခြင်းနန် အတူတူဗျာယ်။ ဒေစာကို ဆင်ခြီတိပီးပနာ ဗမာစာရီးနိုင်ကတ်တေ ရခိုင်သားတိ ဖတ်ပြီးကေ ဆင်ခြင်နိုင်ကတ်ပါစီ။ ။ ။



**ကောလာဟလထောင်ချောက်**

ငါရို့ တိကြီးပြင်းလာကတ်တေ ပတ်ဝန်းကျင်က ကောလာဟလတိနန် ပြည့်နိုင်ရေ။ အရပ်လေးမျက်နှာ ဇာနိန်ရာကိုပင် ခြီလှမ်း လှမ်းပနာ လားကြည့်လိုက် ကောလာဟလစကားချေတစ်ခွန်းလောက်တော့ကေ ကြားလာကတ်ရဖို့ စွာ ကျိန်း သိနိုင်ရေ။ ဝေဖန်ဆန်းစစ်လက်ခံတတ်မှနန် ဆင်ခြင်တုံတရား အားနည်းနိုင်ရေခါ ကောလာဟလ ထောင်ချောက်ကြီး ထဲကို သိသိယင့်နန် လူးကျလားတတ်တေ။

အရေးကြီးဆုံးက ကောလာဟလ၏ရင်းမြစ်က ဇာချင့်လဲ...။ ကောလာဟလ ဇာကလာလဲ။ ဇာသူရို့ က ဒေ ကောလာ ဟလကို ဖန်တီးလဲ။ ဒေပိုင် မိန်းခွန်းတိ မိန်းပနာ ကောလာဟလကို ခွဲခြမ်းစိတ်ဖြာကြည့်နိုင်ကေ ကောလာဟလထောင် ချောက်မိခြင်းက လွတ်ကင်းနိုင်ဖို့ စွာ သေချာရေ။

ဒေနိန်ရာမှာ ကောလာဟလတစ်ခုကို ဝေဖန်ဆန်းစစ်သုံးသပ်စိတ်ဖြာကြည့်လားကတ်ပါမေ။ ဥပမာ- ဗမာအောက် သားတိက ပြောကတ်တေ “ရခိုင်သားတိစွာ အမြင်မကျယ် သဘောထားသေးသိမ်ရေ” လတ်။ အသိပညာကိုယ်ခံ အားနည်းနိုင်ရေ ရခိုင်သားတစ်ယောက်က ဒေစကားကိုကြားကေ ပထမစိတ်ထဲမှာ ငါရို့ လူမျိုးစွာ အမြင်မကျယ် သဘောထားသေးသိမ်ရေ လူမျိုးတစ်မျိုးလို သိမ်ငယ်စိတ်ဝင်လားပနာ အမှန်လို ထင်လားနိုင်ရေ။ ဒေါသကြီးတတ်တေ

ရခိုင်သားတစ်ယောက်က ဒေစကားကိုကြားကေ လက်သီးလက်မောင်းတန်းကော်ဆဲပနာ အော်ကြီးဟစ်ကျယ် ပြောပြီးကေ မလိုလားအပ်တေ ပြဿနာတိ ဆက်တိုက်ဖြစ်လားနိုင်ရေ။ ယင်းအတွက်နန့် ဒေစကားကို အသေးစိတ်လေ့လာမကြည့်မိကေ ဒေစကားကိုပြောရေ အောက်သားတိ၏အဓိကရည်ရွယ်ချက်မြှားဦးဖြစ်တေ ရခိုင်သားတိကို စိတ်ပိုင်းဆိုင်ရာအရ ချိုးနှိမ်နှိပ်ကွပ်လိုခြင်းက အထမြောက်အောင်မြင်လားနိုင်ရေ။

ဒေစကားကို အသေအချာလေ့လာကြည့်ဖို့ ဆိုကေ “ရခိုင်သားတိစွာ အမြင်မကျယ် သဘောထားသေးသိမ်ရေ” လို့ ကောက်ချက်ချပြောရအောင် ဇာတ်အလင်ကို အခြံခံပြီးကေ ပြောစွာလဲ။ လေးသန်းလောက်ဟိရေ ရခိုင်လူမျိုး၏ အပြုအမူအကျင့် မျိုးရိုးဗီဇယိုင်ကျေးမှုမလေ့ထုံးစံသမိုင်းကို စနစ်တကျ သုတေသနလုပ်ပြီးကေ ထွက်လာရေ နောက်ဆုံးအဖြေမျိုးလား။ ယင်းပိုင်မဟုတ်ကေ “ငရဲမတစ်ကောင်ကြောင့် တစ်လောင်းလုံးပုတ်တေ” ဆိုရေ ဗမာစကားပုံပိုင် ရခိုင်သားတစ်ယောက်မကောင်းစွာကို လက်ညှိုးထိုးပနာ ကျန်ရေရခိုင်သားတိကိုပါ တံဆိပ်ကပ်လိုက်ခြင်းလား..။ အေပိုင် မိန်းခွန်းချေ သုံးလေးငါးခွန်း ကိုယ့်စွာကိုယ်မိန်းကြည့်ပနာ ဦးနှောက်ကို အလုပ်ပီးလိုက်စွာနန့် ဒေစကားစွာ ကောလာဟလ ဟုတ်မဟုတ်ကို ထင်ထင်ယှားယှားမြင်လာကတ်ရရေ။

အမှန်က ဒေစကားကို ဗမာအောက်သားတိ ပြောနိုင်ခြင်းရေ နိုင်ငံရေးရည်ရွယ်ချက်ပါရေ။ ဇာပိုင်နိုင်ငံရေးရည်ရွယ်ချက်မျိုးလဲ..။

လူမျိုးတစ်မျိုးကို လူမျိုးတစ်မျိုးက ရေရှည်အုပ်ချုပ်ထားနိုင်ဖို့ အအုပ်ချုပ်ခံလူမျိုး၏စိတ်ဓါတ်ကို အယင်ဆုံးဖျက်ဆီးထားဖို့ လိုအပ်တေ။ စိတ်ဓါတ်ပိုင်းဆိုင်ရာ ယိုယွင်းပျက်စီးပရမ်းပတာဖြစ်နိုင်ရေ လူမျိုးကို အုပ်ချုပ်ရစွာ ကကောင်းလွယ်ကူရေ။ လူ့ အဖွဲ့ အစည်းတခု ပုံမှန်လည်ပတ်ဖွံ့ဖြိုးတိုးတက်စီဖို့ လိုအပ်တေ စိတ်ခွန်အားကို အသိပညာကရာ ပီးရေ။ ယင်းအတွက်နန့် ပညာရေးကို စနစ်တကျဖျက်ဆီးလိုက်စွာနန့် ရီသောက်မြစ်အဖြတ်ခံထားရရေ အပိုင်ပိုင် ယင်းလူ့ဘောင်စွာ ရပ်စောက်သီနိုင်လီကတ်ရဖို့ စွာဗျာယ်။ ဆင်ခြင်တုံတရားနန့် အသိဉာဏ်မြင့်မားမှုကို ဖျက်ဆီးပြီးကေ ဦးနှောက်ကိုဖောက်စားပနာ လုပ်နိုင်ရေယင်းနိုင်ရာမှာ ကောလာဟလတိကို လွှင့်ပီးထားလိုက်စွာနန့် ယင်းလူမျိုးစွာ အနှစ်သာရနန့် အပြင်ပန်း အဓိကနန့် သာမညကို ခွဲခြမ်းစိတ်ဖြာမကြည့်နိုင်ပဲ အမြင်မှန် အသိမှန် အဖြေမှန်တိနန့် ပီးပနာ မျှော်လင့်ချက်ပန်းဖူးမဟိ ဖြစ်နိုင်လီကတ်ရဖို့ စွာဗျာယ်။ ကောလာဟလပရိယာယ် ကောလာဟလနွံထဲမှာ နှစ်မြုပ်နိုင်လီကတ်ရဖို့ စွာဗျာယ်ယေ။

တချို့ ရခိုင်သားတိဆိုကေ နိုင်ငံရေး ဆိုရေ စကားလုံးကို ကြားကေ ကျားလောက်ကြောက်ကတ်တေ။ သူရို့ ဦးနှောက်က ဒေစကားလုံးကို လက်ခံသိမ်းထားနိုင်စွမ်းမဟိ။ မူလတန်းကျောင်းသားချေတိကို ပါရဂူစာတမ်းအကြောင်းလားဖတ်ပြပိုင်ဖြစ်နိုင်ရေ။ အေပိုင်ဖြစ်အောင် ဗမာအောက်သားတိက စနစ်တကျ ပုံသွင်းထားရေ။ နိုင်ငံရေးစွာမကောင်းရခိုင်သားနန့် နိုင်ငံရေး တခုလေ့မဆိုင်ဆိုရေ ဝါဒဖြန့် ချီရေးလုပ်ထားရေ။ ဦးနှောက်အဖောက်စားခံ Brain-wash အလုပ်ခံထားရရေ ရခိုင်သားတိစွာ နောက်ဆုံးမှာ ဗမာအောက်သားတိ ဆင်ထားရေ ကောလာဟလထောင်ချောက်ထဲမှာ သားကောင်ဖြစ်လားရရေ။

ယင်းအတွက်နန့် သတင်းတစ်ပုဒ်ပင် ဖြစ်ဖြစ် စကားတစ်ခွန်းပင်ဖြစ်ဖြစ် ကြားလာကတ်ကေ...

- (က) ဒေစကားကို အသူပြောစွာလေ
- (ခ) ဇာဖြစ်လို့ ပြောစွာလေ
- (ဂ) ဇာပိုင်အချက်အလက်တိကို အခြံခံထားလေ
- (ဃ) ဇာရည်ရွက်ချက်အတွက် ပြောစွာလေ

(င) အကယ်၍ အေစကားအမှန်ဖြစ်လားကေ ရလဒ်ကဏ္ဍလဲ .. အစဟိရေ မိန်းခွန်းချေတိကိုမိန်းကြည့်ပနာ လေ့လာ ဆန်းစစ်သုံးသပ်ဝေဖန်နိုင်ကေ ကောလာဟလအန္တရာယ်က လွတ်ကင်းနိုင်ဖို့ စွာ ကျန်းသီကြောင်း ပြောချင်ရေ။


အမှန်က ဗမာအောက်သားတိစွာ စိတ်ဓါတ်အောက်တန်းကျရေ။ လူစိတ်မဟိ။ နိုင်ငံရေးလောကထဲမှာ ဟိန်နီရေ အောက်သားတိဆိုကေ ပိုပြီးကေ ကောက်ကျစ်အတွင်းလားပနာ အမြင်မကျယ်သဘောထားသေးသိမ်ရေ။

ဇာဖြစ်လို့ အေပိုင် ပြောနိုင်လေ။ ယာသျှင်နန် မျောက်မှာ အသူအမြင်ကျယ်ဖို့ လဲ။ အိမ်သျှင်နန် သူခိုးမှာ အသူက သဘောထားသေးသိမ်ဖို့ လဲ။ ဒေနှစ်ချက်က ရခိုင်သား နန် အောက်သား ဇာသူကဇာလောက်အဆင့်အတန်းဟိလဲ ဆိုစွာကို တိုယှင်းလိုရင်း ဖော်ပြပြောနိုင်ရေ။

နိုင်ငံတကာဥပဒေကလေ့ လူမျိုးတစ်မျိုးက တခြားလူမျိုးတစ်မျိုးကို ကိုလိုနီနယ်ချဲ့ ကျွန်မပြုရ ကိုလိုနီစနစ်ဖျက်သိမ်း ရေး ကို ပြဌိန်းပီးထားရေ။ နောက်ပြီးကေ အပြည်ပြည်ဆိုင်ရာ လူ့ အခွင့်အရေးကြေငြာစာတမ်းက လူ့ အခွင့်အရေး နိုင်ငံရေးဆိုင်ရာအခွင့်အရေး စီးပွားရေးဆိုင်ရာအခွင့်အရေး ပညာရေးဆိုင်ရာအခွင့်အရေးတိကို လေးစားလိုက်နာ ကျင့်သုံးဖို့ ဥပဒေပြုထားစွာကို ဗမာအောက်သားတိကချိုးဖောက်နိုင်ရေ။ အောက်သားတိ လူစိတ်မဟိစွာကို သုတေ သနလုပ်ထားရေ စာတမ်းတိ အချက်အလက်စုဆောင်းထားရေ ဆာပေးတိ ထောင်နန် သောင်းနန် ချီပြီးကေ ဟိရေ။ အနှစ်ချုပ်ပြောရဖို့ ဆိုကေ အောက်သားစွာ စိတ်ဓါတ်အောက်တန်းကျ သဘောထားသေးသိမ်အမြင်မကျယ်ရေ လူမျိုး လို့ သတ်မှတ်နိုင်ရေ။

ဒေနိုင်ရာမှာ ပြောချင်စွာတစ်ခုက အဂုလက်ဟိနအဖဗမာစစ်ခွီးတိစွာ ဗမာတိထဲက ဗမာတိဖြစ်ကတိတေ။ အာကာ ထက်ကလူးကျလာစွာမဟုတ်။ နအဖစစ်တပ်ထဲမှာ တခြားလူမျိုးတိဟိကေလေ့ ပေါ်လစီချမှတ်အုပ်ချုပ်ရေး အပိုင်းဖြစ်တေ စစ်ကောင်စီကို ဗမာတိကရာ ချုပ်ကိုင်ထားရေ။ ခေတ်နောက်ပြန်ဆွဲနိုင်ပြီးကေ ဖက်ဆစ်ဝါဒ ထက်ဆိုးရေ ဗမာအမျိုးသားရေးဝါဒကိုအခြေခံပြီးကေ ဗမာစစ်အုပ်စုဖြစ်ပါလတ်စွာ။ ဗမာအောက်သားအများစုက ကျော ထောက်နောက်ခံပြုထားလို့ ကမ္ဘာမှာ သက်ဆိုးအရှည်ဆုံးဗမာစစ်ခွီးစနစ် တည်တံ့နိုင်ရခြင်း ဖြစ်တေ။ အောက်သား တိက ဗမာမဟုတ်တေ လူမျိုးတိကို အားလုံးရန်သူလို့ သတ်မှတ်ထားရေ။ သူရို့ နိုင်ငံရေး အာကာ ချုပ်ကိုင်ထား နိုင်ရေးစွာသူရို့ ၏အဓိကအမျိုးသားနိုင်ငံရေးမူဝါဒ ဖြစ်တေ။ ဇာလောက်ပင် နိုင်ငံရေးအရ သဘောထား ကွဲလွဲနိုင်ကတိ ကေလေ့ အရေးကြိုကေ အောက်သားတိစွာ တစ်သားတည်းဖြစ်လားတတ်တေ။

နောက်ဆုံးပြောချင်စွာက အောက်သားတိဆင်ထားရေ ကောလာဟလထောင်ချောက်ကို ရှောင်လားနိုင်ပနာ ဗမာ အောက်သားတိပရိယာယ်မာယာကို ရခိုင်မျိုးဆက်သစ်တိ သိမြင်နိုင်ကတိပါစီ။ ။ ။



**စရိုက်စုံကေ လူ့ ဘုံဖြစ်တေ**

စရိုက်စုံကေ လူ့ ဘုံဖြစ်တေ။ ပန်းခြံတခုမှာ ပန်းတမျိုးတည်းရာဟိကေ မျက်စိအာဟာရမဖြစ်တေပိုင် လူ့ အဖွဲ့ အစည်းမှာလေ့ အကျင့်တမျိုးတည်းရာဟိနိုင်ရေ လူတိဟိကေ ယင်းလူ့ ဘောင်စွာ တာရှည်ခံဖို့ မဟုတ်။ အေနိုင်န့် ကမ္ဘာ ကြီးကိုယ်နှိုက်က အလွှာစုံ အရောင်စုံ လူမျိုးစုံ အကျင့်စုံတိကို လက်ခံထားရစွာကို ကြိုက်ပါလတ်တေ။ လူမျိုးတမျိုး




တည်းနန်း ထူထောင်ထားရေး အမျိုးသားနိုင်ငံ (Nation) တို့ မဟိသလောက် ရှားပါလတ်ပြီးကေ ဗဟုလူ့ အဖွဲ့အစည်း တို့ကို အခြေခံထားရေး တိုင်းပြည် (State) တို့ကို အများကြီးတွဲလာရရေး။

ရခိုင်မျိုးဆက်သစ်ချေတိအတွက် အိန်တာနတ်ရွာချေတရွာပိုင် ဖြစ်ပါလတ်တေ အေအမ်ပီမှာလေ့ တရက်ထက်တရက် ရခိုင်သားရခိုင်သမတိစုံပါလတ်ပြီးကေ လူ့ ဘောင်ချေအသွင်ကို ဆောင်ပါလတ်တေ။ ဒေအထဲမှာ အပြုသဘော ဆောင်ရေး စရိုက်နန်း လာကတ်တေလူတိဟိကတ်တေပိုင် အပျက်ဆန်ရေးအကျင့်နန်း လာကတ်တေလူတိလေ့ဟိနိနိဖို့ စွာက ကျိန်းသီနိနိရေး။ အေချင့်စွာ သဘာဝတရား၊ ဓမ္မတာ ပိုပြီးကေ စကားလုံးအလှပချေသုံးပနာ ပြောရဖို့ ဆိုကေ လူ့ ဘောင်လောက၏အဆင်တန်ဆာ အလှတရားတခုပင်ဖြစ်တေ။ နိုင်ငံရေးအရ စနစ်တကျဖိနှိပ်ခံထားရလို့ စီးပွားရေးအရ ဂေါင်းပုံဖြတ်ဂုတ်သွီးစုပိခံနိနိရလို့ ပညာရေးအရ လူတေမတိုးနိုင်အောင် ဖျက်ဆီးခံထားရလို့ တခြားလူမျိုးတိနန်း အိန်တာနတ်သုံးစွဲနိုင်မှုမှာ လားပြိုင်လို့ မရနိုင်ကေလေ့ ကမ္ဘာ့နိနိရာအရပ်ရပ်မှာ ရောက်နိနိကတ်တေ ရခိုင်သား ရခိုင် သမချေတိ ရခိုင်အမျိုးအနွယ်တိအားလုံး အဂုပိုင် ဆုံစည်းလာနိုင်ခြင်းက မင်္ဂလာတပါးဖြစ်တေပိုင် ခေတ်ကာလနန်း ရင်ဘောင်တန်းပနာ ရခိုင်သားတိ မညံ့ဆိုစွာကို ပြသနိနိခြင်းလေ့ ဖြစ်တေ။

ရခိုင်သားတမျိုးတည်းဖြစ်ကေလေ့ ဝိဝါဒကွဲပြားပနာ အမြင်မတူခြင်းတိ၊ စွီးဖွီးကြီးပြင်းဖြတ်သန်းကျင်လည် လာကတ်ရေဘဝပတ်ဝန်းကျင် နန်း လိုက်ပနာ ကိုင်ထားကတ်တေ စံတိ မတူညီခြင်းတိ ဟိနိုင်ကတ်ကေလေ့ ရခိုင် ဆိုရေ ဘုံစည်းဝိုင်းထဲမှာ ငါရို့ တိအတူတူဆုံလာကတ်တေ။ အေချင့်က ငါရို့ တိအတွက် တန်ဖိုးမဖြတ်နိုင်ရေ အကျိုး ရလဒ်တခုပင်ဖြစ်တေ။ ဆွေးနွေးဝေဖန်ငြင်းခုန် အဖြေရှာကတ်တေခါ တယောက်နန်း တယောက်ကြားမှာ အဖေအထစ်တိ အမြင်မရှင်းမှတိ ဟိလာနိုင်စွာက အသေအချာပင် ဖြစ်ကေလေ့ ကိုယ့်အမြင် သူ့အမြင် ကွဲပြား ခြားနားခြင်းတိကို လေးစားလက်ခံအသိအမှတ်ပြုတတ်တေ မဟာဗျူဟာပေါ်လစီကိုကျင့်သုံးပနာ ရခိုင်လူ့ ဘောင်နန်း ရခိုင်သားအားလုံး အတွက် ထာဝရအကျိုးစီးပွားကို ဦးတည်လို့ လားကတ်ကေ ရခိုင်တိ တနိနိ တရက်မှာ ကမ္ဘာ့အသိုင်းအဝိုင်းထဲကို ဝင်ဆန်း လာနိုင်ဖို့ စွာက အသေအချာပင် ဖြစ်တေ။

ကိုယ့်ဦးနှောက်ပုံစံခွက်ထဲက တရားသီအစွဲကို လက်ကိုင်မထားပဲ အယူဝါဒကွဲမှတိကို သည်းခံနိုင်စွမ်းဟိကေ ပွင့်လင်းလွတ်လပ်တေ ရခိုင်ရို့ လူ့ ဘောင်ကို ထူထောင်လာနိုင်ဖို့ စွာက အမှန်ပင်ဖြစ်တေ။ အထက်ကပြောခရေပိုင် အမြင်ခြားကတ်ကေလေ့ ဘုံဦးတည်ချက် ဘုံယုံကြည်မှု ဘုံလမ်းကြောင်းကို လားကတ်ကေ ရခိုင်ရို့ ရက်ပြတ်တောင့်တ နိနိရေ ညီညွတ်ရေးနန်း ဘုံပန်းတိုင်ကို ဆွတ်ခူးလာနိုင်ဖို့ စွာက ကျိန်းသီနိနိရေး။

ရခိုင်သားရခိုင်သမတိကြားထဲမှာ မတူကွဲပြားရေ အကျင့်စရိုက်လက္ခဏာတိ ဟိနိနိကတ်ခြင်းရေ သဘာဝတရား ကစီးရေ လက်ဆောင်တခုဖြစ်တေပိုင် စရိုက်စုံခါမှ လူ့ ဘုံဖြစ်တေလို့ ယုံကြည်ရေပိုင် အပိုင်ဆန်း ကျင့်ဖက် အကျင့်တိ ကို လူမျိုးတမျိုးဆိုရေ သံယောဇဉ်အသိတရားနန်း လက်ခံပနာ လားနိုင်ခြင်းက ဘုံရည်မှန်းချက်ပန်းတိုင်ကို တဆင့် တက်လားဖို့ စင်ခံလိုက်ခြင်းပင် ဖြစ်တေလို့ ယူဆမိလိုက်ပါယင်။



**ရခိုင်စာပီလှုပ်ယှားမှု နှုတ်ခွန်းဆက်စကား**

ရခိုင်စာပီလှုပ်ယှားမှု (Arakanese Literature Movement) ကို ရီခံမြီခံကောင်းပနာ ရခိုင်မျိုးဆက်သစ်ချေတိ ဆုံတွဲကတ်တေ ဒေအေအမ်ပီရပ်ဝန်းမှာ အဂုအချိန်ကစပြီးကေ စတင်လိုက်ပါကြောင်း ရခိုင်သူရခိုင်သားအပေါင်းကို

အသိပီးလိုက်ရပါရေ။ ဒေလှုပ်ယှားမှုကို ဦးဆောင်လားဖို့ အဖွဲ့ က ရခိုင်စာပီကွန်ယက် (Arakanese Literature Network) ဖြစ်ပါရေ။ အေအဖွဲ့ ၏ ဆောင်ပုဒ်က

“ ရခိုင်စာ ရခိုင်စကား

ရခိုင်ရို့ လေးစား တန်ဖိုးထား”

“အမျိုးသီလ နှစ်ဌာနနန့်

စာပီကိုယ်ပါ ချစ်မြတ်နိုး

အေချင့်စွာ ရခိုင်လူမျိုး”

“စာပီတောက်ပြောင်ကေ

ရခိုင်ရို့ လူ့ ဘောင်လေ့ တိုးတက်မေ”

“စာပီတိုက်ပွဲ ငါရို့ ဆင်နွဲ

စာပီဂုဏ်ရောင် ထွန်းလင်းပြောင်

ရခိုင်ရို့ အကျိုးကိုဆောင်...။”

အေအဖွဲ့ ကို ရခိုင်စာပီဖွံ့ဖြိုးတိုးတက်လာစီရေး ဆိုရေ စုပေါင်းမျှော်လင့်ချက် (Collective Hope) အတွက် စုပေါင်းဦးဆောင်မှု (Collective Leadership) စုပေါင်းလုပ်ဆောင်မှု (Collective Activity) နန့် တစ်ယောက်ချင်းစီက ကိုယ်ပိုင်အသိစိတ်နန့် ပါဝင်မှု (Individual Participation by Own Conscience) တိမှာ အခြံခံပနာ ဖွဲ့စည်း တည်ဆောက်ထားပါရေ။ ရခိုင်စာပီအတွက် ပီးဆပ်လားဖို့ ဆိုရေ မြင့်မြတ်တေ စိတ်ဆန္ဒနန့် အဖွဲ့ဝင် ချင်ရေ ရခိုင်သူရခိုင် သားတိုင်းကို အပြီးပန်းနန့် လက်ကမ်းလို့ ကြိုဆို နိန်ပါယင့်။ ရခိုင်စာပီလှုပ်ယှားမှုမှာ ရခိုင်ဆိုရေအသိနန့် အားလုံးသူရို့ ပါဝင် ဆင်နွဲလားကတ်ဖို့ ရခိုင်သားတိုင်းက ရခိုင်စာပီဖွံ့ဖြိုး တိုးတက်လာရေးမှာ တာဝန်ဟိရေဆိုရေ စိတ်ဓါတ်နန့် ကူညီလားကတ်ဖို့ တိုက်တွန်း နီးဆော်လိုက်ရပါရေ။

အဂုဆိုကေ ကမ္ဘာ့ရွာထက်မှာ ဟိကတ်တေ ရခိုင်စာပီကွန်ယက်အဖွဲ့ဝင်သူရဲကောင်းကွန်မန်ဒိုတိက သူရို့ ကိုင်ထားကတ်တေ ကလောင်လက်နက်တိကို ထက်နိန်အောင်သွီးပနာ လက်စွမ်းပြနိန်ကတ်ပါဗျာယ်။ တချို့ကဆိုကေ ဝက်ပံဆိုဒ်တိ ဘလော့ဂ်တိဖွင့်ပနာ ရခိုင်စာပီရီစီးကြောင်းအားကောင်းမောင်းသန်စီးဆင်းဖို့ ကြိုးပမ်းအားထုတ်နိန်ကတ်ပါဗျာယ်။ ဗုဒ္ဓသားတော် ရခိုင်ရဟန်းသူမြတ် တိကလေ့ တကာတကာမတိကို အဂုလက်ဟိလူ့ ဘောင်လောကထဲက နိဗ္ဗာန်ကိုရောက်စီဖို့ စာပီတရားရီအီး တိုက်ကျွေးပနာ လမ်းညွှန်ပြပီးနိန်ကတ်ပါရေ။

အေရခိုင်စာပီကွန်ယက်က လုပ်ဆောင်လားဖို့ မျှော်မှန်းထားကတ်တေ ရှိလုပ်ငန်းစဉ်တိကတော့ကေ တတ်နိုင်ရေ သဒ္ဓါတရားနန့် ကိုယ်ရို့ အိတ်ထဲက စိုက်ပနာ ဘုံဖဲသာတိ စုဆောင်းပြီးကေ ရခိုင်ပိုင်ရီးသားထုတ်ဝီထားရေ စာအုပ်စာတမ်းတိကို စုဆောင်းလားကတ်ပါဖို့ ။ ရခိုင်စာပီလက်ရာကောင်းတိကို စုပေါင်းပနာ မဂ္ဂဇင်းဂျာနယ်တိ ထုတ်လားကတ်ပါဖို့ ။ စာပီအကြောင်းအရာဆွေးနွေးခန်းအသံဖိုင်တိကိုလေ့ ထုတ်လွှင့်ပီးလားပါဖို့ ။ ယပြီးကေ ရခိုင်စာပီလှုပ်ယှားမှုမှာ တယောက်လေ့ပွဲမကျန် လိုက်ရအောင် ရခိုင်နိုင်ငံရေးဟိတိ တော်လှန်ရေးအဖွဲ့အစည်း သတင်းဌာနမီဒီယာတိကိုလေ့ ရခိုင်လူထုနန့် တသားတည်းဖြစ်ပနာ ရခိုင်သူရခိုင်သားမျိုးဆက်သစ်ရို့ ၏ယုံကြည်မှုတိကို ရချင်ကေ

ရခိုင်စာကိုရိုး ရခိုင်စကားကို တန်ဖိုးထားကတ်ပါလို့. အေရခိုင်စာပီကွန်ယက်က နည်းလမ်းပေါင်းစုံနန့်. စည်းရုံးသိမ်း သွင်းဖိအားပီးတိုက်တွန်းလားပါဖို့။

အေန်နီရာမှာ ရခိုင်စာပီလှုပ်ယှားမှု မိတ်ဆက်စကားကို နိဂုံးချုပ်အဆုံးသတ်လိုက်ရပါရေ။ အားလုံးကျန်းကျန်း မာမာချမ်းချမ်းသာသာ နန့် ရခိုင်စာပီတိုးတက်ရေးကို ဆောင်ရွက်နိုင်ကတ်ပါစီ။ ။ ။

**ရခိုင်စာပီလှုပ်ယှားမှု နှုတ်ခွန်းဆက်စကား- အမှတ် (၂)**


ရခိုင်ရို့ အစိုင်အဆက်နိန်ပါလတ်ကတ်တေ ပျိုငံစီပျိုငံထောင်အိမ်ကြီးအိမ်ကောင်းကို ဗမာဒမြတ်က ဝင်စီးပနာ အိမ်ကိုမီးတိုက်ထားပါရေ။ ဒေပိုင်မီးလောင်နိန်ရေ အချိန်မှာ အိမ်ကိုမီးပိုင်းသတ်ကတ်ဖို့ ကော်မတီတီဖွဲ့ ဥက္ကဋ္ဌ အတွင်း ရေးမှူးတီရွီး ဘဏ္ဍာငွေတီစုဆောင်း ဇာပိုင်မီးသတ်ကတ်ရဖို့ ဆိုပနာ မဟာဗျူဟာနည်းဗျူဟာတီချဖို့ ကျွန်တော်ရို့ ရခိုင်သားတီမှာ အချိန်မဟီလိုက်ပါဗျာယ်။ အချိန်ရာဆွဲနိန်ကေ တအိမ်လုံးပြာကျလားလီဖို့ စွာက ကျိန်းသီနိန်ပါရေ။

ယင်းအတွက်နန့် အဂုပိုင်အရေးကြီးရေ အချိန်ကာလမှာ တခုကိုလေ့စိုင်းစားတွေဝေမနိန်ပဲနန့် တစ်ခွက်ချေပင်ဖြစ်ဖြစ် တစ်ဖလားချေပင်ဖြစ်ဖြစ် တစ်အိုးပင်ရရ တစ်ဗာရတီပင်တွဲတွဲ ရရေရီကိုရှာ ဇာသူပင်ဖြစ်ဖြစ် ပိုင်းပနာ မီးသတ်ကတ်ရ ပါဖို့။ အိမ်ထဲကို ဝင်ပနာ အိမ်သားတီကို ကယ်ဖို့ လုပ်ကတ်ရပါဖို့။ တန်ဖိုးဟီရေ ပစ္စည်းတီ မီးထဲကိုပါမလားရအောင် ပိုင်းပြောင်းပီးကတ်ရပါဖို့။

ဒေပိုင် အရေးပေါ်အခြေအနေမှာ သူနိုင်စွာကိုသူလုပ် ကိုယ်နိုင်စွာကို ကိုယ်လုပ်စွာကို စုပေါင်းဦးဆောင်မှု (Collective Leadership) စုပေါင်းလုပ်ဆောင်မှု (Collective Activity) နန့် တစ်ယောက်ချင်းစီက ကိုယ်ပိုင်အသိစိတ်နန့် ပါဝင်မှု (Individual Participation by Own Conscience) လို့ အဓိပ္ပါယ်ဖွင့်ဆိုထားပါရေ။ အေလုပ်ငန်းစိုင်းမှာ အားလုံးသူက ဂေါင်းဆောင်ပါ။ အိမ်ကိုလောင်နိန်ရေ မီးကိုအယင်သတ်ကတ်ရဖို့ ဆိုရေ ရည်ရွယ်ချက်ဆန္ဒ အားလုံးသူမှာ တချိန် တည်းမှာ အတူတူဟီနိန်ကတ်ခြင်းကို စုပေါင်းမျှော်လင့်ချက် (Collective Hope) သို့ မဟုတ် ဘုံအိမ်မက် (Common Dream) လို့ ခေါ်ဆိုထားပါရေ။

ယေဇူးနန့် အေအမ်ပီမှာ ဟီနိန်ကတ်တေ ရခိုင်စာပီကွန်ယက်အဖွဲ့ ဝင်တီစွာ ထပ်တူကျရေ အယူဝါဒလမ်းစိုင်းကို လက်ကိုင်ထားပနာ လားနိန်ကတ်တေ ရခိုင်စာပီဂေါင်းဆောင်တီဖြစ်ပါရေ။ ရခိုင်စာပီလှုပ်ယှားမှုမှာ ပါနိန်ကတ်တေ ကလောင်သူင်တီ စာဖတ်ပရိတ်သတ်တီ အားလုံးသူရို့ စွာ ရခိုင်စာပီတိုးတက်ဖွံ့ဖြိုးလာရေးအတွက် ရှိတန်းကတိုက်ပွဲ ဝင်နိန်ကတ်တေ သူရဲကောင်းတီ ဖြစ်ပါရေ။

ရခိုင်စာပီအားကောင်းမောင်းသန့်ဖွံ့ဖြိုးတိုးတက်လာစီဖို့ အုတ်တချပ်သဲတပွင့် နိုင်ရေတာဝန်ကို ယူဖို့ လှမ်းလာ နိန်ကတ်တေ သူရဲကောင်းအသစ်တီကိုလေ့ ရခိုင်စာပီလှုပ်ယှားမှုက အပြုံးပန်းနန့် လက်ကမ်းလို့ ကြိုဆိုနိန်ပါယင့်။ ။ ။



**ရခိုင်သား ရခိုင်သမတီ ပြုပြင်ပြောင်းလဲမှု လုပ်သင့်ရေ အရာတီ**

ငါရို့ တိန်နီကတ်တေ ရခိုင်လူ့ ဘောင်စွာ အပြင်ကပယောဂကြောင့် စနစ်တကျအဖျက်ခံထားရလို့ အစိုင်ပျက်ပြီးကေ ယိုင်ကျေးမှုလေ့ထုံးတမ်းစိုင်းလာနယ်ပယ်ထဲမှာ ဟောင်းနွမ်းဆွီးနီနီရေ အရာတိ ခေတ်ကာလနန့် မသင့်တော် လိုက် လျောညီထွေမှုမဟိရေ အချက်တိ ဟိန်နီစွာကို ရခိုင်သား ရခိုင်သမတိုင်းက သတိပြုမိရေ။

ဒေပိုင် အချက်အလက်အရာတိကို ပြုပြင်ပြောင်းလဲမှုလုပ်ရေးနန့် ခေတ်မှီအောင်ဖန်တီးရေးဆိုစွာ လူ့ အဖွဲ့ အစည်း တိုးတက်မှုအတွက် မဟိမဖြစ်လုပ်ဖို့ လိုအပ်တေ ဆိုစွာ ရခိုင်သားတိက သဘောပေါက်ထားကတ်တေ။ ယေကေလေ့ ဇာအချက်တိကို ပြုပြင်ကတ်ရဖို့ လဲ ဆိုစွာကို အယင်ဆုံး ပီပီပြင်ပြင်ယုယုလင်းလင်းသိထားဖို့ လိုအပ်တေ။ အနှစ် သာရနန့် အပြင်ပန်းကို ခွဲခြမ်းစိတ်ဖြာကြည့်တတ်ဖို့ လိုအပ်တေ။ ရုပ်ဝတ္ထုပိုင်းဆိုင်ရာ ပြုပြင်ပြောင်းလဲမှုမလုပ်ခင် စိတ်ပိုင်းအတွေးအခေါ်ပိုင်းဆိုင်ရာ ပြုပြင်မှုက ပိုပြီးကေ အခရာကျရေ ဆိုစွာကို နားလည်ထားသင့်ရေလို့ ထင်မိရေ။

ရခိုင်သားတိ ရှောင်သင့်ရေ ပြုပြင်မှုလုပ်သင့်ရေ အချက်တိကို အောက်မှာ ဖော်ပြလိုက်တေ။

(က) ကောလာဟလတိကို ယုံကြည်ကတ်ခြင်း

ရခိုင်သားတစ်ရာမှာ ကိုးဆယ်လောက်က ကောလာဟလကို ယုံကြည်ကတ်တေ။ ဒေပိုင်ဖြစ်လာအောင်လေ့ ဗမာစစ်အုပ်စုက စနစ်တကျဖန်တီးထားရေ။ ရခိုင်ပြည်မှာ ရခိုင်သားတိထုတ်တေ သတင်းစာမဟိ၊ တခြားမီဒီယာ လေ့ မဟိ။ ယေခါ ပတ်ဝန်းကျင်မှာပျံ့ နီနီရေ ကောလာဟလတိစွာ သတင်းအမှန်တိပိုင်ဖြစ်ပါလတ်ပနာ ရခိုင်သားရခိုင်သမ တိဂေါင်းထဲကို ရောက်လားကတ်တေ။

(ခ) အယူသီးခြင်း

ဗမာစစ်အုပ်စုက ခေတ်မှီရေပညာရေးစနစ်ကို ဖျက်ဆီးလိုက်ပနာ ပညာတတ်ကေ သုံးစားလို့ မရဆိုရေ အတွေး အခေါ်အယူအဆတိ ရခိုင်သားရခိုင်သမတိဂေါင်းထဲကို ဝင်လားအောင်လုပ်ပီးထားပြီးကေ လွန်ခရေ နှစ်ပေါင်းနှစ်ရာ လောက်က အစွဲအလန်းအယူသီးမှုတိ ရခိုင်ပြည် နန့် ရခိုင်သားရခိုင်သမတိဘားမှာ ကိန်းအောင်နီနီအောင် လုပ် ထားရေ။ မိမိကိုယ်ကို အားကိုးရေးကို မိန့် ပနာ မင်းမျှော်ဝါဒတိ ကယ်တင်သျှင်ကို တမ်းတရေ စိတ်တိ ဖြစ်နီနီ အောင် ဖန်တီးပီးထားရေ။


(ဂ) ပုဂ္ဂိုလိက မနာလိုမှုတိ များနီနီခြင်း

ရခိုင်သားအချင်းချင်း တယောက်ကိုတယောက်ယုံကြည်မှုကင်းမဲ့နီနီကတ်အောင် တယောက်ကောင်းစားကေ တယောက်ကမနာလို ဝန်တိုပြီးကေ မွတ္တရိယစိတ်တိဖုံးလွှမ်းနီနီကတ်အောင် ပုဂ္ဂိုလ်ရေးတိုက်ခိုက်မှု (Personal attacks) ၊ အသေရေဖျက်မှု (Defamation)၊ နာမေဖျက်မှု (Character assassination) တိ ရခိုင်သားရခိုင်သမတိ ဦးနှောက်ထဲကို စိမ့်ဝင်နီနီကတ်အောင် ဗမာစစ်အုပ်စုက ပရိယာယ်မာယာအပြည့်နန့် မဟာဗျူဟာကျကျ လုပ်ပီး ထားရေ။ ရခိုင်သားအချင်းချင်းတယောက်ကိုတယောက် မယုံကြည် မနာလိုမှုတိဖြစ်ပနာ တိုက်ခိုက်နီနီ ကတ်ကေ ညီညွတ်ရေးကို တည်ဆောက်လို့ မရ သီးခြားနိုင်ငံရေးရပ်တည်မှု (Political Identity) ကို ဖန်တီးလို့ မရနိုင်ဆိုစွာကို ဗမာက သဘောပေါက်ထားရေ။

ဒေပိုင် ဗမာကပီးထားရေ အမွှီဆိုးစရိုက်ဆိုး အိုင်ဒီယာဆိုးတိကြောင့် ရခိုင်သားရခိုင်သမတိ လူ့ အဖွဲ့ အစည်း တခုလုံးကိုချိပနာ စိုင်းစားသုံးသပ်တတ်တေစိတ် ကျယ်ပြန့် ရေအတွေးအခေါ်နန့် အမျိုးသားနိုင်ငံရေးသဘော တရားတိပျောက်ပနာ “မောင်ဖြူက ဇာပိုင် မောင်ညိုက ဇာဖြစ်တေ” ဆိုရေ ပုဂ္ဂိုလိကပဋိပက္ခမုန်တိုင်းထဲမှာ ထွက်

ပေါက်ရှာမရ ဖြစ်နိုင်ကတိရရေ။ အဂုပိုင် အဖွဲ့ဆိုးအမြင်ဆိုးဝါဒဆိုးတိကို ရခိုင်သားရခိုင်သမတီဦးနှောက်ထဲကို စိမ့်ဝင်ပျံ့နှံ့နိုင်အောင် လုပ်ပီးထားနိုင်ရေ အရာက ဗမာစာ ပင်ဖြစ်တေ။ ပွင့်ပွင့်လင်းလင်းပြောရဖို့ ဆိုကေ ဗမာစာက ရခိုင်သားတိကို ကျွန်စိတ်ပေါက်နိုင်အောင် ကျွန်ဘဝက ရုန်းထွက်လွတ်မြောက်ချင်စိတ်မဟီအောင် ရခိုင်သား အချင်းချင်းအထင်သေးပနာ ဗမာကိုရာ အထင်ကြီးရေစိတ်ပေါက်နိုင်အောင် လုပ်ထားရေ။

အထက်ကပြောခရေ အကျင့်ဆိုးစရိုက်ဆိုးတိကို ပြုပြင်ပြောင်းလဲမှလုပ်ပနာ ဖျောက်ပစ်နိုင်ရေ တခုတည်းရာဟီရေ လက်နက်က “ရခိုင်သားစာပီကို ပြန်ပနာ ဖွံ့ဖြိုးတိုးတက်လာအောင်လုပ်ခြင်း” ပင် ဖြစ်တေ။ ရခိုင်သားရို့ ကိုယ်ပိုင်ဖြစ်တေ ကိုယ့်အမင်စာနန် ရခိုင်သားတိခံစားချက်၊ ရခိုင်သားတိစိုင်းစားမှု၊ ရခိုင်သားတိအနာဂတ်အမြင်၊ ကမ္ဘာ့တခြားအရပ်တိက နိုင်ငံရေးလူမှုရေးစီးပွားရေးဆိုင်ရာ ဗဟုသုတတိ၊ နည်းပညာတိုးတက်မှုနန် နိုင်ငံတကာအခင်းအကျင်းတိ အကြောင်းအရာအားလုံးကို ရခိုင်စာပီနန် စာမျက်နှာတိဖွဲ့ စာအုပ်တိရွီးပနာ မှတ်တမ်းတင်မော်ကွန်းဖွဲ့ ပြီးကေ ပြုပြင်ပြောင်းလဲမှ လုပ်ကတိရပါဖို့။ ။ ။



**ကွာဟချက်**

ရက္ခပူရလို့ခေါ်ကတ်တေ ရိုးတောင်အောက်ခြီက အမေရိကကိုပင် လားလား စင်ကာပူမှာ ပင် နိန်နိန်... ဂျပန်ကိုပင် ရောက်ရောက်...အိန္ဒိယ နီပေါ မလေး ထိုင်း ဥရောပတိုင်းပြည်တိမှာပင် သောက်လို့ ယစ်နီကတ်ပတ်စီ.. ဇာတိုင်းပြည် ဇာနိုင်ငံကိုပင်ရောက်ရောက် မြီအောက်က ငရဲပြည် အာကာထက်ကနတ်ပြည်ကိုပင် ဇောက်ထိုး ပျံတက်လား ကတ်ပတ်စီ.... ရခိုင်သားတိမှာ တူညီရေ အချက်တခုဟီရေ။ ယင်းချင့်က ကျောသားရင်သား မခွဲခြား.. ဆင်းရဲချမ်းသာ မခွဲခြား.. ပညာတတ် ပညာမဟီ မခွဲခြား.. လူ ဘုန်းကြီး သူတော်မ မခွဲခြား.. သူတောင်းစား ဘိန်းစား ဆရာဝန် အင်ဂျင်နီယာ နိုင်ငံရေးတော်လှန်ရေးသမား မခွဲခြား... အချေ အစိတ်ကေချေ အပျိုမ အပျိုထီး ဝါကြီးမ လအိုကြီး မခွဲခြား... တန်းတူညီမျှခြင်းပြည့်ပြည့်ဝဝနန် ဗမာကျွန် ဖြစ်နိုင်ရခြင်း ပင် ဖြစ်တေ။

စင်ကာပူမှာ လစာ ၅၀၀၀ ရပတ်စီ.. ရခိုင်သားမှန်ကေ ဗမာကျွန်ဗျာလ်ယေ ဝေ.. ငါ့ညီချေ။ အမေရိကန်မှာ ဟားပတ်က ကျောင်းပြီးလို့ ဆင်းလာပတ်စီ.. ရခိုင်ဆိုကေ မင်းစွာ ဗမာကျွန်ဘဝကို ရောက်နိုင်ရရေယေဝေ ငါ့တူချေ။

ရခိုင်သားတသန်းလောက်ကို ရက်ရက်စက်စက်သတ်ပြီးကေ နှစ်ပေါင်းနှစ်ရာကျော်ကျွန်ပြုထားရေ ဗမာတိကို ရခိုင်ပြည်က တိုက်ထုတ်ပြီးကေ သီးခြားလွတ်လပ်တေတိုင်းပြည်ကို ပြန်ပနာ မထူထောင်နိုင်ရေ ကာလပတ်လုံး မာန်အောင်မှာပင်နိန်နိန် ရမ်းငြိကျွန်းမှာပင် နိန်နိန် တောင်ကုတ်သံတွဲ ဟိုင်းကြီးကျွန်း ပလက်ဝ မီးချောင်း ပီချောင်းဖျား အမ်းဝှလေးမြို့ချောင်းဖျားမှာပင်နိန်နိန် မြောက်ဦးမင်းပြားကျောက်ဖြူစစ်တွေ မောင်တောဘူးသီးတောင် ကျောက်တော် ပေါက်တောမြေပုံ ပုဏ္ဏားကျွန်း ရသေ့တောင်မှာပင်နိန်နိန် မင်းရီ ငါရီ ရခိုင်သားတိစွာ ရခိုင်သားမျက်နှာ ရခိုင်သား အသွီးအသားနုလုံးသားနန် ဗမာကျွန်ဖြစ်နိုင်ကတိရရေယေ ဝေ။

မောင်ရို့က ရွှေတောင်ကြား ကျောက်မြောင်း ကျောက်ကုန်း ရှစ်မိုင် ကိုးမိုင် ကျောက်တံတား ဗိုလ်တထောင် မှာ နိန်စွာပါရာ လို့ ဆင်ခြံဆင်လက်တိ ပီးနိုင်ကေလေ့ ရခိုင်မှန်ကေ ဗမာကျွန်ဘဝကို ရောက်နိုင်ရရေလို့ မှတ်ထားလိုက်ပါ ဝေ ငါ့ညီချေ။

ဒပြုတ်သီးတလုံးမျိုးချထားရရေပိုင် ရင်ဖတ်ဆိုပနာ ဝမ်းနည်းဖို့ ကောင်းစွာတခုက ဗမာကျွန်ဖြစ်လာစွာ နှစ်ပေါင်း နှစ်ရာကျော်ကြာလာကေလေ့ အဂုထက်ထိ တော်လှန်ရေးနိုင်ငံရေးလုပ်ဖို့ ရခိုင်သားအယောက် ၂၀၀ စုလို့ မရနိုင်သိမ့်။ ပြောကေ အမျိုးချစ်တေ လတ်။ မျက်နှာကို တဗျင်းသတ်ပနာ သံပုရာသီးလူးပီးထားပစ်ခဖို့ ကောင်းရေး။ ယာ.. အရာလေ့ ပြောပါဂါ... အမျိုးချစ်တေ လတ်။ ဒေ အေအမ်ပီမှာတောင် နိုင်ငံရေးကို ပုတ်လောက်ရိုင်လောက်ရွီးပြ ကေတောင်မှ ဇာချင့်လဲမသိလို့ ပြန်ပြောဖို့ ပဇာဟန်နီရေ ရခိုင်သံခမောက်ဆောင်း ကျွန်ဘဝမှာ ပျော်ကြီးကျန်နီရေ လူတိ အများကြီး ဟိနိုင်ရေး။


အရေအတွက် မဟိရေပိုင် အရည်အချင်းလေ့ မဟိရေ အတွက် ရခိုင်နိုင်ငံရေးတော်လှန်ရေးစွာ စွီးဖျာလိပ်ခေါင်းကို ဝင်နီနီရေရေပိုင် ထွက်ပေါက်မဟိ... တိုးတက်လာခြင်းမဟိ ပြောင်းလဲလာခြင်း မဟိ ဖြစ်နီနီရေ။

ယင်းအတွက်နန့် ဒေ ကွာဟချက် (Gap... လူမျိုးတမျိုးလွတ်မြောက်ဖို့ လူတိုင်းက အခြံခံအမျိုးသားနိုင်ငံရေး အသိ စိတ်ဓါတ် ဟိဖို့ လိုသည်။) ကို ဖြည့်ဖို့ ရခိုင်အထီးအမ အခြောက်တိ အပါအဝင် အားလုံးသူရို့ အသက် ဆယ့်ရှစ် နှစ် ကျော်ကေ နိုင်ငံရေးစာပီကိုဖတ် လေ့လာ .. ယပြီးကေ နိုင်ငံရေးတော်လှန်ရေးထဲမှာ ကိုယ်တိုင်ကိုယ်ကျ ဘဝမြှုပ်ပနာ ပါဝင်ကတ်။ အပြင်က အရက်ယစ်ကေ အမျိုးကိုချစ်တေ ဆိုပြီးကေ မအာကေ့ တချက်။ ငါ့မှာ စွီးပေးထားရေး သာလိကာချေတောင် အမျိုးချစ်တေလို့ ပြောတတ်နီနီဗျာလိ။ ဇာ တတ်ယောင်ကားရခိုင်သားပါးက ရောဂါကူးလာလေ မသိ။

ရခိုင်ဘုန်းကြီးတိကို လျှောက်ထားချင်စွာက ရခိုင်ရို့လူ့ဘောင်ကို အစိုင်အဆက်ထိန်းကျောင်းပါလတ်တေ မင်းဆရာလုပ်ပါလတ်ကတ်တေ (Moral Authority) ဆိုရေ ဂုဏ်ဒြပ်နန့် ကိုက်ညီဖို့ မျက်စိနားပိတ်နီနီရေ ရခိုင်သား တိကို နိုင်ငံရေးတရားဟောကတ်ပါ။ Religious study ထက် Political Sciences, Law, Sociology and Economics တိကို လေ့လာပနာ ရခိုင်သားတိ ဗမာကျွန်ဘဝက လွတ်မြောက်ဖို့ ဦးဆောင်သင့်ပါရေး။ ကွဲပြဲနီနီရေ စွီးပိုင်ကိုက်နီနီ ကတ်တေ တော်လှန်ရေးနိုင်ငံရေးအဖွဲ့အစည်းပါတီတိကို ကြားက ဝင်ဖျိုင်ပနာ ညှိနှိုင်းပြီးကေ ညီညွတ်ရေးတည် ဆောက်ပီးရေ ဒိုင်လူကြီးတာဝန်ကိုလေ့ ရခိုင်ဘုန်းကြီးအဖွဲ့ချုပ်ကရာ တာဝန်ယူသင့်ပါရေး။ ရခိုင်သားတိမှာ လိုအပ်နီနီစွာက ကိုယ်ပိုင် Political Identity ဖြစ်တေအတွက်နန့် ဗမာတိနန့် ရောပနာ ယောင်ခြောက်ဆယ် မလုပ်ကတ်ပါကေ့ တချက်။

အူမတောင့်မှ သီလစောင့်နိုင်ဖို့ ဆိုရေ စကားပိုင် ရခိုင်သားအားလုံး ဗမာစစ်ခွီးတိ ဂုတ်သွီးစုပေးထားလို့ ငတ်နီနီရေရေ ဘဝမှာ ငါးပါးသီလ ခြောက်ပါးသီလ ပရိတ်ကြီး ဆယ့်တသုတ် ထိုသုတ်ဒေသုတ်တိ အရေးမကြီးလိုက်ပါဗျာလိ။ တယောက်စ နှစ်ယောက်စလောက်ရာ နားလည်နိုင်ရေး နိရောဓသစ္စာတရားထက် လူ့အဖွဲ့အစည်းတခုလုံးလွတ်မြောက် စီဖို့ နိုင်ငံရေးတရားကိုဟောခြင်းက ဒေအချိန် ဒေကာလမှာ ပိုပြီးကေ အသုံးတည့်ဖို့ ထင်ပါရေး။

ကွက်လပ်ချေတိ ဖြည့်ပီးကတ်ပါမေ။ ။ ။



**အားလုံးသူရို့ တာဝန်ပါ**

ရခိုင်ရို့ စာပီစကား ပြန်ပနာရှင်သန်ကြီးထွားလာဖို့ ရခိုင်သူရခိုင်သားတိုင်းမှာ တာဝန်ဟိပါရေး။ ဒေ တာဝန်က အိုးချေခွက်ချေကဇတ်တေပိုင် စုတ်ပီစုတ်ပတာဝန်ဝတ္တရားမျိုးမဟုတ်ပါ။ တဒင်္ဂတချက်ချေ ပြောပစ်ဆိုပစ်ရီး ပစ်လိုက်

ကော ကျီယဉ် ဆိုပနာ ပပေါ့ချေထားပစ်လိုက်လို့ လေ့ မရနိုင်ပါ။ ရက်နန်၊ လနန်၊ နှစ်နန်၊ ရာစုနန်၊ ချီပနာ မျိုးနန်၊ ရိုးနန်၊ ကြိုးစားအားထုတ်မှလုံ့ လအဝဝနန်၊ အသက်ရာအသီခံလားဖို့၊ ရခိုင်ရို့၊ စာပီ အသီမခံနိုင်ဆိုရေ စိတ်ခါတ် ယုံကြည်ချက်နန် ၊ လားကတ်ရပါဖို့ ။ ဒေပိုင်လားရေ နိန်ရာမှာလေ့ ငါနန် ၊ ကားမဆိုင်ဆိုရေ ခဲခပ်ဝါဒီတိများနိန်ကောလေ့ အိတ်ပေါက်နန် ၊ ဖားကောက်တေပိုင် အချိန်ကုန်လူပန်း နောက်ဆုံးမှာ ရခိုင်ရို့ ၊ စာပီစကား သင်းချိုင်းကို တန်းပြီး ကောလားလီရဖို့ စွာပါဗျာယ်။

ခေတ်သစ်ရခိုင်ရို့ စာပီစကားကို ပြန်ပနာမွမ်းမံထုဆစ်ခရီးသစ်ကို လားနိန်ကတ်တေ လမ်းကြောင်းထက်မှာ အားရကျေနပ်ဂုဏ်ပြုအပ်တေ စာပီကလောင်သစ်ချေတိ ပေါ်ထွန်းလာရေပိုင် ရခိုင်စာနန်၊ ရခိုင်စကားကို ထမင်းစားရ ရေပိုင် မြတ်မြတ်နိုးနိုးတန်ဖိုးထား အားပီးအားမြှောက်ပြုခြင်းတိနန် ၊ ဂရုတစိုက်ဖတ်လာပြောလာကတ်တေ မျိုးဆက် သစ်စာဖတ်ပရိတ်သတ်ချေတိလေ့ လက်တွဲလို့ ၊ ကူ နိန်ရာယူလာကတ်လို့ ၊ ဝမ်းသာပီတိဖြစ်ရကောလေ့ တဖက်မှာ ဆင်ခြံဆင်လက်ဆင်နရွက်နန် ၊ ဆင်မျက်စိပိုင် ကျကျိုင်းချေကြည့်ပနာ ရခိုင်ထမင်းကို ရခိုင်စားပြီးကော ဗမာစာဖွံ့ ၊ ဖြိုးရေးလုပ်နိန်ကတ်တေ ရခိုင်သားတိကိုလေ့ စိတ်မကောင်းဝမ်းနည်းခြင်းခြောက်သောင်းနန်၊ တို့မြင် လာနိန် ကတ်ရ ပါရေ။

ဒေအထဲမှာ ပိုဆိုးနိန်စွာက လွတ်လပ်တေပြည်ပမှာ မြီကုပ်ယူပြီးကော ရခိုင်ပြည်နန်၊ ရခိုင်လူမျိုးအတွက် တိုက်ပွဲဝင်နိန်ကတ်တေ အလုပ်လုပ်နိန်ကတ်တေလို့ ပြောရေ သတင်းဌာန သတင်းစာတိ နိုင်ငံရေးပါတီ တော်လှန်ရေး အဖွဲ့ အစည်းတိက ရိုးလိုက်ထုတ်လိုက်တေ သတင်းဆောင်းပါးစာစောင်စာတမ်းတိ ထုတ်ပြန်ကြေငြာချက်တိ မှတ်တမ်း မှတ်ရာတိ ရှိလုပ်ငန်းစိုင်ပေါ်လစီဖိုင်တိ အားလုံးစွာ ဗမာပိုင်ရီးထားကတ်စွာကို တို့မြင်နိန်ကတ်ရပါရေ။ ရခိုင်ဆိုရေ နာမေကို ဂေါင်းစိုင်တပ်ပနာ ရီးထားကတ်စွာက အားလုံးဗမာပိုင်ဖြစ်နိန်ရေခါ ဒေပုဂ္ဂိုလ်တိကို ခေတ်သစ် ငသံဒေ ဆီဆွတ်အနွယ်လို့ ရာ ခေါ်ကတ်ရဖို့ ထင်ပါရေ။ ဒေပိုင် တော်လှန်ရေးနိုင်ငံရေးအဖွဲ့ အစည်းတိက ဗမာပိုင်ရီး နိန် ကတ်လို့ ရခိုင်တိဇာပင်လုပ်လုပ် ဗမာတိကြိုသိနိန်ပနာ ရခိုင်သားတိကိုယုံသီတွင်းကို ကိုယ်တူးပနာ သီနိန်ကတ် ရရေ ဘဝမျိုး ဆိုက်ရောက်နိန်ကတ်ရပါရေ။

ပြည်ထဲမှာ ဟီရေ ရခိုင်သားရခိုင်သမတိက အခက်အခဲအမျိုးမျိုးကြားက ထောင်ကျခံထမင်းအငတ်ခံပြီးကော ရခိုင်စာအုပ်တိထုတ် အယုန်းခံပြီးကော ရခိုင်တေးခြင်းတိဆို စီဒီတိထုတ်နိန်ကတ်တေ အချိန်မှာ အချုပ်အနှောင်ကင်းရေ တော်လှန်ရေးနိုင်ငံရေးနယ်ပယ်က အစိုးရရောက်ရခိုင်မျိုးချစ်တိ ဇာဖြစ်လို့ ဗမာစာကို အားပီးအားမြှောက်ပြုနိန် ကတ်ရ လေလို့ လေ့လာကြည့်လိုက်တေခါ ဆီဆွတ်ရစွာ ဝါသနာပါနိန်လို့ ပါ ဆိုရေ အကြောင်းပြချက်တခုတည်းကိုရာ လား တို့ရပါရေ။


သတင်းစာတိထုတ်ဖို့ ထိုကဒေကဖဲသာကောက်ပီးထည့်ပီးနိန်စွာက ရခိုင်သား အမာခံစာဖတ်ပရိတ်သတ်ကလေ့ ရခိုင်သား ထိုပရောဂျက် ဒေပရောဂျက်အတွက် ဖဲသာချပီးရေ အန်ဂျီအို ဒိုနာတိကလေ့ နိုင်ငံခြားသားအဖြူတိ။ ယင်းအတွက်နန် တခုလေ့မဆိုင်ရေ ဗမာစာတိရီးပနာ ဇာဖြစ်လို့ ဗမာဘားမှာ လားပြီးကော ဆီဆွတ်နိန်ကတ်ရစွာလေ စိုင်းစားလို့ မရလိုက်ပါဗျာယ်။ ဗမာမဟုတ်တေ တခြားလူမျိုးတိပါ ဖတ်ဖို့ ရခိုင်သားက ဂျုလည်ကျပနာ ဂျာနယ်စာစောင် တိထုတ်ရခြင်းဖြစ်ပါရေလို့ ပြောနိုင်ကောလေ့ ကချင်မှာလေ့ သူရို့၊ စာနန်၊ သူရို့၊ ရှမ်းမှာလေ့ ကိုယ်ပိုင်စာနန်၊ ကရင်မှာ လေ့ယင်းပိုင် မွန်မှာလေ့ထိုအတိုင်း ရခိုင်သားတိရီးရေ ထိုမရောက်ဒေမရောက် ဗမာစာကို ဇာသူကအချိန်ကုန်ခံပြီးကော လာဖတ်နိန်ကတ်ဖို့ လဲ။

ဂျာမန်တိက တစ်လကို ယူရို့နှစ်ထောင်စီပီးထားလို့ ဂျာမန်စာနန် စကားကို သင်ပနာ ဖတ်နိန်ရီးနိန်ရပါရေ ဆိုစွာမျိုးက လက်ခံလို့ ရပါသိမ့်ရေ။ အဂုက ရခိုင်သားတိ ဗမာစာလားရီးလို့ ဗမာတိက တပြားလေ့ပီးစွာမဟုတ်ပါ။ ယင်းချင့်ထက် ပိုပြီးကော ရွံဖို့ ကောင်းရေ ဗမာခွီးတိအကျင့်က ရခိုင်သားတစ်သန်း ရခိုင်ပြည်မှာ ဝမ်းကျလို့ ကပ် ရောဂါဖြစ်လို့ သီနိန်

ရရေ ဆိုကေတောင် ဗမာတိသနားဖို့ ကောင်းရေလို၊ စကားချေတစ်ခွန်းပြောလာဖို့ မဟုတ်ပါ။ လက်တို့ဥပမာပီးရဖို့ ဆိုကေ ချင်းတစ်သိန်းလောက် ချင်းပြည်မှာ ကြွက်တိသောင်းကျန်လို၊ စားစရာမဟိဖြစ်နိန်ကတ်တေခါ ဗမာနိုင်ငံရေး ပါတီအဖွဲ့ အစည်းသတင်းဌာနတိ ဝမ်းနည်းကြောင်းစာချေတကြောင်းမရီးပြကတ်ပါ။

အဂုပိုင် လူစိတ်မဟိရေ ဗမာစွီးစာကို ရခိုင်တိကဆီဆွတ်စိတ်နန့် လားရီးနိန်ကေ တရားကျဖို့ ကောင်းပါရေဂါလို၊ ရာ ပြောဖို့ ကျန်နိန်ပါဗျာယ်။ ဗမာစာကို ကျောင်းတိမှာ အားဓမ္မသင်ခရလို၊ ရခိုင်စာကို အဂုမတတ်သိမ့်ကေလေ့ နောက်တတ်လာအောင် လေ့လာနိန်ပါရေ ဆိုကေ လက်ခံလို၊ ရပါသိမ့်ရေ။ အဂုက အမျိုးချစ်စိတ်မြင့်လို၊ နိုင်ငံရေး တော်လှန်ရေးလုပ်နိန်ကတ်တေ ပါတီအဖွဲ့ အစည်းတိ ရခိုင်ပြည်မှာ ဖြစ်ပျက်နိန်ရေ အကြောင်းအရာတိကို တင်ပြနိန်ရေ သတင်းဌာနသတင်းစာတိက ရှိကဆီဆွတ်ပြနိန်ကေ နောက်လာနောက်သားမျိုးဆက်သစ်တိက ဇာပိုင်လုပ်လာကတ်ဖို့ လဲဆိုစွာကို ကြိုမြင်ပနာ တဖွဲချေလောက် ဆင်ခြင်ကတ်ပါ။

ရခိုင်ရို့ စာပီစကား အေထက်တိုးတက်မြင့်မားလာစီဖို့ ရခိုင်နိုင်ငံရေးပါတီအဖွဲ့ အစည်းမီဒီယာတိက ရခိုင်ရို့ စာရခိုင်ရို့ စကားကို တရားဝင်ရုံးသုံးဘာသာစကားတခုအဖြစ် ပြဌာန်းကျင့်သုံးဖို့ လိုအပ်လာရေပိုင် စာပီတိုက်ပွဲဆင်နွှဲနိန်ကတ်တေ ကလောင်သျှင်ဘလော့ဂ်ဂါတိကလေ့ ရခိုင်ကလောင်သျှင်များအဖွဲ့ ချုပ် ရခိုင်ဘလော့ဂ်ဂါများအသင်းတိကို ဖွဲ့ စည်းထူ ထောင်ပနာ စာပီရီစီးကြောင်း အားကောင်းမောင်းသန်ဖြစ်လာအောင် လုပ်ဆောင်လားကတ်ရပါဖို့။ အချင်းချင်း ကိုက် ရန်ဖြစ်နိန်ကတ်တေ နိုင်ငံရေးသမားတိ နိုင်ငံရေးအသိစိတ်နိုးကြားလာအောင် ရခိုင်စာရီးဆရာ ဆရာမတိက နိုင်ငံရေး စာပီတိကိုဇောင်းပီးရီးပြီးကေ ထုတ်ဝီဖြန့် ချီလားကတ်ရပါဖို့။ အသိမှန် အမြင်မှန် လမ်းကြောင်း မှန်တိ ရလာအောင် ရခိုင်စာပီကို ပြည်ပရောက်ရခိုင်အဖွဲ့ အစည်းတိက တန်ဖိုးထားတတ်လာအောင် ရခိုင်ကလောင် သျှင်တိ က ဦးဆောင် လမ်းပြ လုပ်လားကတ်ရပါဖို့။ ရခိုင်စာပီလှုပ်ယှားမှုကြီးမှာ တယောက်လေ့ပွဲမကျန်လိုက်ရအောင်နိုင်ရေ အလုပ်ကို ထမ်းဆောင်လားကတ်ရဖို့ စွာက အားလုံးသူရို့ တာဝန်ပင်ဖြစ်ပါရေ။ ။





### အောင်လှဖြူနန်း မလှဖြူ

#### အပိုင်းချေ (၁)

အာပူလျှာပူခြောက်ခွက် ဝမ်းထဲကိုရောက်လားခါမှ ထိန်းမနိုင်သိမ်းမရဖြစ်နိုင်ရေ စိတ်က တဖဲ့ချေလောက် ငြိမ်ကျလားရေ။ အာသာမပြေသိမ့်လို၊ ဆာဒဟင်းရည်တဖွန်းနှစ်ဖွန်းတောင်းပနာ မုန့် တီခွက်ကို လက်နှစ်ဖက်နုန့် ကိုင်ပြီးကေ မော့သောက်ပစ်လိုက်တေ။ မိုးထကပင် ထမင်းမစားရသိမ့်စွာ အဂုမှ မြန်းလို၊ ချေ ဖြစ်ပနာ အဆာပြေ လားရေ။ ခါးမှာ ကျိတ်ထားရေ ဒယောထဲက ဖဲသာကို မုန့် တီရောင်းရေ အရီးကို လှမ်းပီးလိုက်တေ။ မုန့် တီဆိုင်က ထွက်ပြီးကေ ရွာမြောက်ဖက်အဆုံးမှာ ဟိရေ ဘုန်းကြီးကျောင်းကို လားဖို့၊ ဒြီလှမ်းပနာ တလမ်းတည်းရာဟိရေ ရွာလည်လမ်းမထက်မှာ လျှောက်ပါလတ်တေ။ အာကာထက်က ရဲပနာ အရောင်တောက်ပနီနီရေ နီလုံးကြီးကို လှမ်းကြည့်လိုက်ပြီးကေ နိန့် ခင်းဖက်သား (၂) နာရီလောက်ဟိဖို့ လို့ ခန့် မှန်းဖြစ်တေ။

နိန့်ရာက ကျောက်တော်မြို့ နယ် ပီချောင်းဖျားမှာ ဟိရေ ရွာချေတရွာ။ အချိန်ကာလက ၁၉၉၅ ခုနှစ် ဒီဇင်ဘာလ ၃ ရက်။ နာမေက အောင်လှဖြူ။ အသက်က ၁၉ နှစ်။ အသားညညို။ အရပ်က ခြောက်ပေလောက်ဟိပြီးကေ ဗလတ တောင့် ကျင်သန်ချေတယောက်ပိုင် ခန္ဓာနုန့်။ တကျောင်းတည်းရာဟိရေ ရွာကမူလတန်းကျောင်းကို ကျောက်တော်မြို့ က ဆရာမချေက တနှစ်မှာ နှစ်ခါလောက်ရာ လာတတ်လို့ အောင်လှဖြူတယောက် အချေကပင် ဘုန်းကြီးကျောင်းမှာ နိန့်ပနာ စာသင်ပါလတ်ရေ။ ဘုန်းကြီးကျောင်းသား အောင်လှဖြူ ဆိုပြီးကေတော့ အထင်မသေးလိုက်ကတ်ကေ တချက်။ ကျောင်းထိုင်ဆရာတော်ကြီးက အင်္ဂလိပ်စာကို အင်္ဂလိပ်ပါးမှာ သင်လာပြီးကေ အိန္ဒိယတက္ကသိုလ်တခုက ဗုဒ္ဓဘာသာနုန့် ပတ်သက်တေ ဘွဲ့ တဘွဲ့ ကိုယူထားလို့ အင်္ဂလိပ်စာနုန့် အင်္ဂလိပ်စကားကို အင်္ဂလိပ်တယောက်ပိုင် ပြောတတ်ဆိုတတ်တေ။ ဗုဒ္ဓဘာသာအကြောင်းကို အင်္ဂလိပ်ပိုင် ပပစ်နနစ်ရှင်းပြဟောပြတတ်တေ။ ဆရာကောင်းပါးမှာ သင်လာရလို့ တပည့်ထက်တေလို့ ပြောရဖို့။ အောင်လှဖြူပညာရေးအဆင့်အတန်းကမနီမ့်။ အင်္ဂလိပ်တိုင်းပြည်က ကောလိပ်ကျောင်းဘွဲ့ ရတယောက်နီးပါးအဆင့်ဟိရေ။ ဗမာကိုလိုနီစနစ်နုန့် ဗမာမှပြုရေးကို ဇောင်းပီးထားရေ ဗမာ ပညာရေးစနစ်အောက်မှာ မသင်ခရလို့ အောင်လှဖြူမှာ လွတ်လပ်တေအတွေးအခေါ် ရခိုင်နိုင်ငံရေးသမိုင်းနုန့် ကမ္ဘာ့ အခြေခံဗဟုသုတတိ ပြည့်စုံရေ။ ဆရာတော်ကြီးက အသင်အပြအဆုံးအမကောင်းလို့ ဘာသာရေး လူမှုကျင့်ဝတ် နုန့် လောကနိတ် တိကိုပါ နဲ့ စပ်တေ။

အောင်လှဖြူ အသက်ဆယ့်ရှစ်နှစ်မှာ သူ့ အဘာနုန့် အမိ ငှက်ဖျားဖြစ်ပနာ သီကျလားရေ။ ညီကိုမောင်နှမတိမဟိ သားတယောက် တည်းဖြစ်တေ အောင်လှဖြူစွာ အမိအဖတိ အမွီချန်ထားခရေ လယ်ဝါးတစ်ရာကို နွားချေနှစ်ကောင် နုန့် လုပ်စားပါလတ်စွာ ဗမာစစ်တပ်စခန်းဆောက်ဖို့ ဆိုပနာ ဒေနီန့် မိုးထဖက်သား အသိမ်းခံလိုက်ရရေ။ ပစ္စည်းသင်္ဘါရ လူသင်္ဘါ ဆိုရေ စကားကို လက်ကိုင်ထားကေလေ အဂုပိုင် မိဖအဖိုးအဘောင်ပိုင်ပါလတ်တေ လယ်နုန့် နွားကို မတရား အသိမ်းခံရလို့ ရင်ထဲမှာ မီးပိုင်ပူပနာ ခံစားရရေ။ ပိုဆိုးနိန့်စွာက အောင်လှဖြူကို ရခိုင်တော်လှန်ရေးသမား တိနုန့် အဆက်အသွယ်ဟိရေ ဆိုပြီးကေ သက်သီအခြေအမြစ်မဟိ စွပ်စွဲသိမ့်ရေ။ ဗမာစစ်သားတပ်ကြပ်ကြီးက ခွီးတ ကောင်ပိုင်

အောက်တန်းကျရေ။ ထွက်လာရေ စကားလုံးတိက လူ့ အကျင့်သိက္ခာလုံးဝမဟိစွာကို ဖော်ပြနိုင်ရေ။ အောင်လှဖြူကို သိနတ်နန့် ပစ်သတ်ပနာ တိရိစ္ဆာန်တကောင်ပိုင် ချောင်းထဲမှာ ဝေးသတ်ပစ်လိုက်ဖို့ လို့ ဗမာတပ်ကြပ် က ခြိမ်းခြောက် လိုက်ပြန်သိမ့်ရေ။

“ဟေ့ကောင်” ဆိုရေ အသံကျကျယ်ကြီးက အောင်လှဖြူတယောက် နောက်ကြောင်းပြန်ပနာ စိုင်းစားနိန်စွာကို ရပ်လားစီရေ။ လှမ်းကြည့်လိုက်တေခါ ရှိမှာ အရက်ပုလင်းကို ကိုင်ပြီးကေ လမ်းမလယ်ကောင်မှာ ရပ်နိန်ရေ ဗမာစစ် သားတပ်ကြပ်ကို တွဲရရေ။ တချက်ချေတောင် မကြာလိုက်။ အောင်လှဖြူကို သတ်ဖို့ အရက်ပုလင်းကိုကိုင်ပနာ ဗမာတပ်ကြပ်ကြီး ပြီးပါလတ်တေ။ အောင်လှဖြူလေ့ စိုင်းစားဖို့ အချိန်မရလိုက်။ ခါးမှာထိုးပါလတ်တေ ကန်သင်းခွပ် ခါးမကို ထုတ်ပနာ တချိန်းနှစ်ချိန်းယမ်းပစ်လိုက်စွာ လိုင်ဖင်းတားရီချေရာကျန်ပနာ လမ်းမထက်မှာ ဗမာစစ်သား လဆန့် ကြောင်နိန်ရေ။ သွီးအိုင်ထဲမှာ အသက်ထွက်နိန်ရေ ဗမာစစ်သားတပ်ကြပ်ကို “အဝေးအောက်သား မင်းစရိုက် နန့် မင်း ခွီးပိုင်သီဝေး ငါ့အပြစ်မဟုတ်.. ” လို့ ပြောပနာ အောင်လှဖြူတယောက် ဘုန်းကြီးကျောင်းကို ပြီးပါလတ်တေ။ ကျောင်းထက်ကို အယင်တက်ပနာ ဆရာတော်ကြီးကို လျှောက်လိုက်တေ။ “ဆရာတော် တပည့်တော် ဗမာစစ်သား တပ်ကြပ်ကြီးကို အဂုသတ်ပစ်ခလို သီကျန်လိုက်ပါရေ။ တပည့်တော်ရာ ကိုယ်စွာကိုယ်ခန့်ပနာမသတ်ခကေ တပည့်တော်အသတ်ခရပါဖို့ ”။ ကျောင်းထိုင်ဆရာတော်ကြီးက “ကောင်းရေဝေး အောင်လှဖြူ... ခွီးကိုသတ်ကေ မြတ်တေ... ဖဲသာယူယာ...မင်း စစ်တွေကို လား.. ယင်းကတဆင့် ကော့သောင်းကိုလားလီ... ယပြီးကေ လွတ်ရာ ကျွတ်ရာကို ရောက်အောင်လားလီ... စစ်တွေက ငါ့တကာတယောက်ကို စာရီးပီးလိုက်မေ.. မင်းတခုချေ ကိုလေ့ မစိုးရိမ်ကေ။” ဆရာတော်ကြီးက ဖဲသာတထုပ်ကို ထုတ်ပီးပြီးကေ “ယာ အေဖဲသာကိုယူ.. အချိန်မဟိ.. အယင်လား လီဖိ..”။

**အပိုင်းချေ (၂)**

နိန်ရာက ထိုင်းနိုင်ငံ ဗန်ကောက်မြို့ ။ အချိန်ကာလက ၂၀၀၆ ခုနှစ် ဂျန်နဝါရီလ ၂၆ ရက်။ အောင်လှဖြူတယောက် ထိုင်းနိုင်ငံမှာ နိန်ပါလတ်စွာ ဆယ်နှစ်ပြည့်ရေ နိန် ။ ဆယ်စုနှစ်ချေ တစုက အောင်လှဖြူကို ပြောင်းလဲလားစီရေ။ အဂုဆိုကေ ထိုင်းစကားကို ထိုင်းတယောက်နီးပါးပြောတတ်ပြီးကေ ထိုင်းစာကိုလေ့ ဖတ်တတ်တေ။ ကော်ဆမ်းလို့ ထိုင်းပိုင်ခေါ်ကတ်တေ ဆောက်လုပ်ရေးလုပ်ငန်းတိကို ကကြီးကပင် အ ထိ အောင်လှဖြူလုပ်တတ်တေ။ မြို့ပြ အင်ဂျင် နီယာဘွဲ့ ရတယောက်တောင် အောင်လှဖြူလောက် အောက်ခြံကျဆောက်တတ်ဖို့ မဟုတ်။ ဖြတ်သန်းပါ လတ်တေ ဘဝအတွဲအကြံတက္ကသိုလ်ကျောင်းကြီးက အောင်လှဖြူကို အကောင်းဆုံး အင်ဂျင်နီယာကောင်းတယောက်ဖြစ် အောင် မွီးထုတ်ပီးလိုက်တေ။

ထုံးစံအတိုင်း အောင်လှဖြူကို နိုင်ငံရေးလုပ်ဖို့ ဒီမိုကရေစီအရီခြံတိက လာပနာစည်းရုံးကတ်တေ။ သံရုံးရှိမှာ ဆန္ဒပြဖို့ လာခေါ်ကတ်တေ။ အောင်လှဖြူနိုင်ငံရေးအတွေးအခေါ်က ရှုရှင်းချေ။ ယပြီးကေ ပြတ်သားရေ။ “ အောင်ဆန်း စုကြည် ကို လွှတ်ပီးပါလို့ ဗမာသံရုံးရှိမှာ လားအော်ရေ ရခိုင်သားကို ကမ္ဘာ့အသိဉာဏ်မဟိဆုံးလူလို့ ပြောရဖို့ ..... ဇာဖြစ်လို့ လဲဆိုကေ အောင်ဆန်းစုကြည်စွာ အဖမ်းခံနိန်ရစွာက မဟုတ်.. ကိုယ့်အိမ်ထဲမှာ ကိုယ်နိန်စွာရာ... တောင်အာဖရိက တိုင်းပြည်က နယ်လဆင်မန်ဒဲလားပိုင် ရိုဘင်ကျွန်းထောင်ထဲက သံမတလင်းမှာ ၂၇ နှစ်ရာ အဖမ်းခံအိပ်ခရဖို့ ဆိုကေ က တမျိုး။ နောက်တခုက အောင်ဆန်းစုကြည်လွတ်လို့ အာဏာရပနာ ဗမာဝန်ကြီးချုပ်ဖြစ်လာကေတောင် ရခိုင်သား

တိ ကြက်သားနန့် ထမင်းတထပ်ဝအောင် စားရဖို့ မဟုတ်။ ဇာဖြစ်လို့ လေးဆိုကေ ဗမာပါတီ အန်အယ်လ်ဒီမှာ ရခိုင်သားတိကို ကိုယ့်ကံကြမ္မာကိုယ်ဖန်တီးပိုင်ခွင့်နန့် နိုင်ငံရေးအခွင့်အရေး အပြည့်အဝပီးလားဖို့ ဆိုရေ ပေါ်လစီ သဘောထားစာကြောင်းချေ တကြောင်းတောင်မဟိ... ဗမာနန့် ဗမာ အလံရှူးနိုင်ငံရေးလုပ်ပနာ အချိန်ဖြန်းနိန်ကတ် စွာကို နွားပြီးရာမှာ ဖျာဆိုးရွှင်ရေပိုင် ရခိုင်သားက ဆားမရရီမရ လားပါနိန်ခီကေ အေချင့်လောက် ပေါစွာဟိဖို့ သိမ့်လား... ရခိုင်သားဝေး အောက်သားခမောက်ကိုမဆောင်း တောကပေါက်ဖက်နန့် ရာ ကိုယ့်အခွင့်အရေးကို ရ အောင်တိုက်ယူဖို့။”

သိကတ်တေအတိုင်းဗျာယ်။ အမှန်ကိုပြောကေ လူနန့် မသင့်။ ဗမာတိနန့် ဗမာနောက်လိုက် ယခီးတိက အောင်လုဖြူကို မကျေနပ်ကတ်။ ယေကေလေ့ အောင်လုဖြူ ရရမစိုက်။ ကိုယ့်အလုပ်ကို ကိုယ်လုပ်ပနာ ရရိုးသသား အသက်မွီးဝမ်းကျောင်းရေ။ ဘောက်ကတတ် နပ်ယောင်ကားမလုပ်ရေပိုင် အမောင်တောင်မှန်း ပြောက်မှန်းမသိရေ ယောင်ခြောက်ဆယ်လေ့ မလုပ်။

ယေကေလေ့ အောင်လုဖြူရေ သူအလုပ်လုပ်နိန်ရေ ဆောက်လုပ်ရေးမှာ ရခိုင်သားတိ တခုခုဖြစ်ကေ ရှိကအဆင်သင့်။ တတ်နိုင်ရေဖက်က အကူအညီပီးရေ။ ရခိုင်အချေတိကိုလေ့ သူအလုပ်နားရေနိန် တိုင်းမှာ စာသင်ပီး ရေ။ အောင်လုဖြူ အစိုးရိမ်ဆုံးက ဗမာတိ စနစ်တကျလူမျိုးရေးခွဲခြား နိုင်ငံရေးအရနိပ်စက် စီးပွားရေးအရဂုတ်သွီးစုပ်လို့ ရောက်နိန်ကတ်ရရေ ရခိုင်အမိအဖတိနန့် အတူတူ ထိုင်းနိုင်ငံကို ထွက်ပြီးလာကတ်ရရေ ရခိုင်အချေတိအရေးကိစ္စပင် ဖြစ်တေ။ သောင်းချီပနာ ဟိနိန်ရေ ဒေရခိုင်အချေတိ အနာဂတ်မှာ လူတလုံးသူတလုံးဖြစ်လာဖို့ ရခိုင်လူ့ ဘောင် အတွက် တန်ဖိုးဟိရေ လူတိဖြစ်လာဖို့ ရခိုင်သားတိအားလုံးက ဝိုင်းဝန်းကူညီကတ်ရဖို့ လို့ အောင်လုဖြူ ယူဆရေ။

တရက်နိန် မှတ်မှတ်ရရ ၂၀၀၆ ခုနှစ် အောက်တိုဘာလ ၂၃ ရက်နိန် ။ အောင်လုဖြူ အလုပ်လုပ်နိန်ရေ ကော်ဆမ်းဆိုင် (ဝါ) ဆောက်လုပ်ရေးလုပ်ငန်းထဲကို အမေရိကန်မချေတယောက် ထိုင်းစကားပြန်မချေတယောက်နန့် ရောက်ပါလတ်တေ။ ရခိုင်ရွှံ့ပြောင်းအလုပ်သမားတိနန့် သူရို့ မိသားစုတိအကြောင်းကို ပါရဂူဘွဲ့ လွန်စာတမ်းပြုစုဖို့ ပါလတ်တေ လို့ ပြောပြရေ။ စလို လာခါကပင် အမေရိကန်မချေက အောင်လုဖြူကို စိတ်ဝင်စားရေအကြည့်နန့် စိုက်ကြည့်နိန်ရေ။ အမေရိကန်မချေက အကျွန် နာမေ ဆူစံ (Susan) ပါလို့ အင်္ဂလိပ်ပိုင် မိတ်ဆက်တေ။ အောင်လုဖြူ ကလေ့ “အောင်လုဖြူ” လို့ နာမေတလုံးတည်းပြောလိုက်တေ။ ယေခါ အမေရိကန်မချေက “I love you too.” လို့ ပြန်ပြောရေခါ လူပျိုကြီးအောင်လုဖြူတယောက် ရင်တိုခန်လားရရေ။ အသက် ၂၃ နှစ်ရာ ဟိသိမ့်ရေ အမေရိကန်အဖြူ မချေ ဆူစံက အောင်လုဖြူနလုံးသားကို လွှမ်းမိုးလားခရေ။ အမှန်က အမေရိကန်မချေ ဆူစံစွာ အောင်လုဖြူနာမေကို “I love you” လို့ ကြားလိုက်ခြင်းပင် ဖြစ်တေ။ အာရကန်နန့် အမေရိကန် ထိုင်းနိုင်ငံမှာ လာဆုံပြီးကေ နဖူးစာပါလာ ကတ်လို့ တယောက်ကိုတယောက်လေ့ ချစ်ကတ်ကြိုက်ကတ်လို့ အောင်လုဖြူနန့် ဆူစံ နှစ်ယောက်တစ်ဘဝဖြစ် လားခကတ်တေ။

**အပိုင်းချေ (၃)**

နိန်ရာက အမေရိကန်နိုင်ငံ ပန်ဆိုင်ဗင်နီးယားပြည်နယ်က ဖီလာဒေးလ်ဖီးယားမြို့ ။ အချိန်ကာလက ၂၀၀၇ ခုနှစ် ဩဂုတ်လ ၁၄ ရက်နိန် ။ ပန်ဆိုင်ဗင်နီးယားပြည်နယ်တက္ကသိုလ်၏ကျောင်းခွဲတခုဖြစ်တေ Penn State Law ကျောင်းမှာ အောင်လုဖြူတယောက် ဖွဲ့ စည်းအုပ်ချုပ်ပုံအခြေခံဥပဒေဆိုင်ရာနန့် စီမံခန့်ခွဲရေးဥပဒေဘာသာရပ် ( Constitutional and Administrative Law) ကို သင်ယူနိန်ရေ။ အောင်လုဖြူတယောက် လွန်ခရေ ခြောက်လလောက်က ဆူစံနန့် ယူပြီးကေ အမေရိကကို ရောက်ပါလတ်တေ။ ဆူစံကို အမေရိကန်တရားရုံးတခုမှာ မလှဖြူလို့ ရခိုင်နာမေပြောင်းပစ်လိုက်တေ။

ယပြီးကေ ရခိုင်စာနုနု စကားကို သင်ပီးရေ။ အဂုဆိုကေ ဉာဏ်ကောင်းပနာ ဇွဲလေ့ကောင်းရေ ဆူစံ (ခေါ်) မလှဖြူ စွာ ရခိုင်စကားကို ရခိုင်သမချေတယောက်ပိုင်ပြောတတ်နီနီဗျာယ်။ ရခိုင်တေးခြင်းချေတိကို နားထောင်ပနာ အိမ်မှာဆိုကေ လင်သည်အောင်လှဖြူနုနု ရခိုင်စကားရာပြောကတ်တေ။

အောင်လှဖြူ တယောက် အဂုဆိုကေ အမေရိကန်မှာ ပညာတတ်တယောက်ဖြစ်လာအောင် ကျောင်းတက်နီနီရေ။ မလှဖြူကလေ့ မနုသပေဒနုနု ဒေါက်တာဘွဲ့ ရပြီးကေ အောင်လှဖြူတက်နီနီရေ တက္ကသိုလ်မှာ ကထိက ဝင်လုပ်နီနီ ရေ။ ညိုလှဖြူလို နာမေပီးထားရေ သားချေတယောက်နုနု ပန်းသန္တာဖြူလို နာမေပီးထားရေ သမီးချေတယောက်ကို လေ့ ရထားကတ်ဗျာယ်။ ယေကေလေ့ အောင်လှဖြူရို့ မိသားစုက ရခိုင်ပြည်နုနု ရခိုင်လူမျိုးကို တရက်ချေလေ့ မမိနု။ ။ အခွင့်ကြိုကေ ထိုင်းနိုင်ငံက ရခိုင်အချေတိကို ပညာရေးဆိုင်ရာ အကူအညီတိပီးနိုင်ဖို့ စီစဉ်နီနီကတ်ပါရေ။ ။ ။

မြောက်ဦးကဘီလူး

၃၊ ၀၁၊ ၂၀၁၀